

ARTÊŞA TIRK GUNDÊN BAŞÛR DIŞEWITÎNE

- Di heftiya sêyemîn a îşgalkirina başûrê Kurdistanê de hêzên artêşa tirk berê xwe dan gelê Başûr ê ku reaksiyon nîşanî îşgalê dide. Di heftiya dawî de leşkerên tirk heft şivan bi awayekî hovane qetil kirin.
- Di deh rojên dawî de nêzîkî 51 gundên Zaxo û Duhokê ji hêla hêzên dewleta tirk ve bi darê zorê hatin valakirin. Yên li dijî valakirina gundan derdikevin, têne îşkencekirin, revandin û kuştin. Artêşa tirk wan kesan bi alîgiriya PKK'ê sûcdar dike û qetil dike.

Rûpel 2



Kurdî û Ehmedê Xanî

Ehmedê Xanî ne bi salekê, wê her dem ji aliyê gelê kurd ve bê bibîranîn. Careke din xuya dike ku mirov bi eslê xwe ser bilind dibe. Ne bi mandîlekî-rina eslê xwe. Divê em vê jî bizanibin ku kesê nivîskar inçex bi zimanê xwe dibe rewşenbîr an na wê bibin rewşenbîrên sexte.

Rûpel 11

Qereçarşema serê zîpan

Li gorî baweriya vê efsaneyê, Şahmaran di Qereçarşema pêşîn de diçe mala bavê xwe zehiyê. Zehîtiya wê jî salê carek e. Di vê çarşemê de divê kes li hev nexin, dilê hev nehêlin û rîka xwe nedine hev. Nexwe heta sala din wê çaxê, wê ew rewşa wan a neyartiyê bidome.

Rûpel 13

Evîna Remo û Eysê û karê pembû

Sobeya tenekeyî sincirîbû. Bêhna agirê dara berûyî di odayê de belav dibû. Eysê di bin şewqa lembeya melûlî de destmalek dîneqîşand. Reng û şiklê evîna ku ji dilê wê dihat xwe berdida ser etamîne spîçolkî. Diya Eysê, serê neviyê xwe danîbû ser kaba xwe, ji aliyekî ve jî çiroka Mirze Mihemed digot.

Rûpel 12

Artêş nikare çapemenî dikuje

Li gorî agahiyên rojnameya International Herald Tribunê, artêşa tirk ji ber bêhelîkopterbûn û nebûna cebîlxaneyê operasyona xwe ya li Dêrsimê daye sekinandin.

Rûpel 10

Rojnameyeke nû dengêkî dijber

**Xwedî-îmtiyazê
Rojnameya nû Necatî
Taniyan li ser derketin
û siyaseta rojnameyê
pîrsên me bersivandin**

- Em diçin û tîr rastî polîtîkaya red û înkare ya 75 salan tîr. Ji bo ku ji vê red û înkare gelê fîlitîn, di binê pêşengiya gelê kurd ê bira de, xebatek heye. Em dixwazin vê tevgera azadiyê bi mirovan bidine nasîn. Divê em wan pê serwest bikin. Xebat mîna bûyereke terorê tê navandin.
- Pratikî rojnameyên dijber li ber çavan e. Ji rojnameya Tanê heta bi Özgür Ülkeyê. Niha jî em derdikevin. Em dev ji xeta xwe ya dijber bernadin û em bibiryar in. Em dizanin ku wê dijwarî û tengasiyên me çêbibin. Em bi destûran naxebitin û rojnamevantiyê nakin.

Rûpel 8-9



Kızılaya tirk bûye şaxekî MIT'ê

- Li gorî çavkaniyên herêma Başûr fîmên taybet û endamên MIT'a tirk bi kincên wezîfedarên Kızılâyê dikevin nav gundên Başûr, ajantiyê dikin, bi siwaryên ve rêxistinê çek û sîleha dibin û finin gundan dişewitînin û kirinên dijmirovî dikin. Bûyera roja 5'ê avrêlê jî mînakek e ji bo kirinên wan ên qirêjî. Yek ji wezîfedarên Heyva Sor, ji ber xwe demançeyêke çardexir derdixê û girseya gel gulebaran dike û çar gundiyan dikuje.

Rûpel 2

ARTÊŞA TIRK GUNDÊN BAŞÛR DIŞEWITÎNE

Îşgala başûrê Kurdis-tanê ku roja 19'ê adarê dest pê kir, di heftiya sêyemîn de sebr û aram bi gelê başûr re nehişt. Leşkerên ku nikarin di şer de xwe li ber êrişên gerilayên ARGK'ê bigirin, dest bi valakirina gundên kurdên Başûr kirin. Di dema valakirina gundan de gelek gundiyan welatparêz ku leşker wan bi sempatzani û alîkarîdayîne PKK'ê sêrdar dikin, hatin qetilkirin. Li ser van kirinên hêzên artêşa tirk, kurdên Başûr bi taybetî jî yê derdora Duhokê li hemberî artêşa tirk û rayedarên PDK'ê dest bi serhildanan kirin.

Li aliyê din gerilayên ARGK'ê bi teybatî li herêmên Metîna û Sersing, li mintiqeyên Ba-

nerne û Darayê bi çekên giran derbeyên xedar li yekineyên artêşa tirk dide. Li Haftanîne jî operasyonên artêşe li bêncam dimînin, yekineyên leşkerî li kemînen gerila deqelîbin û gelek leşker tene kuştin.

Li gorî agahiyên ku ji buroya çapemeniyê ya ARGK'ê û çavkaniyên herêmê hatine standin, jî destpêka îşgalê heta niha zêdeyî 700 leşkerên tirk û gelek serbazên leşkerî bi êriş û kemînen gerilayan hatine kuştin.

Dinya êdî guh nade virên KT'ê

Reaksiyon û protestoyên saziyên navneteweyî û dewletên ewrûpî jî li hemberî îşgalê bilintir dibin. Rayedarên Dewletên Yekbûyî yê-

Amerikayê (DYA) jî êdî mîna destpêkê piştgiriyê nadin çareserîya Dewleta tirk a leşkerî. Ji bo ku ji nû ve dilê rayedarên ewrûpî û amerîkê bêne xweşkirin, Wezîrê Karê Derve yê Tirkiyeyê Erdal İnönü roja 4'ê avrêlê dest bi geşta ber bi Ew-rûpa û Amerîkayê kir.

Qetliamên li dijî sivilan

Di heftiya sêyemîn a îşgalê de hêzên artêşa tirk rasterast an jî bi metodên cîhereng li başûrê Kurdistanê dest bi qetliaman kirin, gund valakirin û pêkutiyên dijwar li gundiyan kurd dikin.

Di pêvajoya sê heftiyên îşgalê de hêzên leşkerî 51 heb gundên Başûr bi darê zorê vala kirin. Di dema valakirina gundan

de îşkence û zîlm li gelek gundiyan hatin kirin. Mesela di roja 2'yê avrêlê hêzên artêşe digirin ser gundê çiyê ku li ser nehîya Sersingê, ye li vî gundê 6 gundî bi piştgirîya bi PKK'ê re tîndar kirin û tîndar kirin. Dotira rojê cendekê her şeş gundiyan tê dîtin. Laşê wan bi awayekî hovane hatibûye parçekirin. Navê wan gundiyan ev in: Ahmet Feltah Hesên, Abdulkadir İzzeddin (60) serbest Abdulkadir İzzeddin (13), İsmail Huseyn, Mehmet Şerip, Gulî Zekî Gulî û Evdile Hesên.

Heft şivan hatin qetilkirin

Van şeş kesên jî li gund şivanî dikirin. Ji xeynî wan hêzên artêşa tirk jî gundê Bafeyê ku li ser nehîya Kanîmasiyê ye du gundiyan (Evdile Mihemed û Evdile Silêman) dixin bin çav. Şeş gundiyan din ên ku navên wan nehatine tesbîtkirin dîsa ji aliyê hêzên dewleta tirk ve hatine girtin. Li gorî agahiyên ku nûçevanê me bi dest xistine, hêzên dewleta tirk van kesên binçavkirî bi sempatzaniya PKK'ê sêrdar dike.

Serhildana gundiyan Başûr

Li ser van hovîtiyên hêzên dewletê, gundiyan Başûr roja 5'ê



Ji rojnameya Le Monde

avrêlê hêrs û kîna xwe didin der. Bi sedan gundiyan derdora Duhokê roja 5'ê avrêlê li hemberî wan pêkutiyên, serî hildan û di navbera wan û hêzên tirk de şer derket. Di şer de 3 tirk û 4 gundiyan kurd hatin kuştin.

Li gorî nûçeya AFP'ê (Ajansa çapemeniyê ya Fransayê) roja 5'ê mehê zêdetirî 200 gundiyan derdora Duhokê dikevin rê, ji bo ku herin bi telbeyê cenazeyên 6 şivanên ku ji hêla leşkeran ve hatibûn qetilkirin. Gundî di rê de dibinin ku siwareyeke Kızılayê li stasyoneke benzîne sekiniye û 3 wezîfedarên Kızılayê û du parêzvanên wan ên pêşmerge li ba siwareyê ne. Li nêzikî wan gundî ji otobûsên xwe peya dibin û êrişî ser wan dikin. Di vî

navê de yek ji wezîfedarên Kızılayê, ji ber xwe demançeyekê derdixê û gundiyan dide bir berekan (fişekan), çar gundiyan dike.

Li ser vî yekê, hêrsa gundiyan hîn zêdetir dibê, çekên pêşmergeyan ji wan distînin, pêşmerge direvin. Dû re gundî li wê derê her sê wezîfedarên Kızılayê dikujin. Piştî kuştina wan hêzên PDK'ê tîndarî bûyerê, piştî re gundî çar cenazên xwe ji wir hildidin û meşeke protastoyê li dar dixin. Li dema meşa protestoyê gundî rayedarên PDK'ê jî sêrdar dikin ji ber ku PDK nîkare wan ji hêzên tirk biparêze û hevkarîya dewleta tirk dike.

Li gorî nûçevanê AFP'ê jî roja ku artêşa tirk Başûr îşgal kiriyê heta niha ev cara yekemîn e ku gelê Başûr bi awayekî eşkere serî li ber hêzên tirk hildide û êrişî ser wan dike.

Endamên Kızılayê beşdarî operasyonan dibin

Li aliyê din, li gorî çavkaniyên herêmê, gelek endamên MİT'a tirk û tîmên taybet di nav rêxistina Kızılayê de hene. Piştî qetilkirina gundiyan, rayedarên dewleta tirk, ji bo ku serhildana gundiyan pêl nedê bi lezginî bi serokên PDK'ê û YNK'ê re ketin tekiyê. Li aliyê din çapemeniya tirk kuştina sê "wezîfedarên" Kızılayê bervajîkirin û weşandin. Bes nûçeyên wanli hev nakin.

Navenda Nûçeyan

Rojnamevan mēvanēn me ne

Roja 31'ê adarê, gerilayên ARGK'ê di kontrola rîya Cizîr û Nisēbînê de 2 rojnamevan bi xwe re birin. Piştî bûyerê Buroya Çapemeniya ARGK'ê daxuyaniyek da KURD-A'yê.

Di daxuyaniyê de tê gotin ku, "Muxabîrê Ajansa Reuterê Fatih Sarıbaş û muxabîrê AFP'ê Kadir Gürsel di 31'ê adarê de saet nêzikî 21:30'yan, di rîya Cizîr û Nisēbînê, di kontrola rê de hatine tesbîtkirin. Ji bo pirsîyariyê gerilayan bi bêtêlê ji qerargêhê agahî xwestine. Lê, beriya ku agahî bikevin destê gerilayên me, hêzên dewletê mudehale dikin. Ji bo

parastina canê wan gerila ew bi xwe re dibin. Rojnamevan misafirên me ne. Siheta wan li cihê û di her şertî de tîndarîtin.

Ji bo berdana wan jî divê sazî û rêxistinên wekî Neteweyên Yekbûyî, Xaça Sor û hwd. bi me re bikevin tîkiliyê. Tê zanîn ku, artêşa faşîsta Tirkiyeyê qetliema dike û dixwaze ku me bi van qetliema sêrdar bike. Mînakê dawî jî qetliema Görümlüya Silopiye." Rojnamevan İsmet G. İmset û saziya rojnamevanan navneteweyî jî ji bo berdana rojnamevanan muracatî PKK'ê kirin.

Welatê Me/Kurd-A

Çapemeniya tirk an jî çapemeniya brîfîngan

Bi destpêkirina îşgala Başûr, çapemeniya tirk di warê çewt-agahdariyê de ji berê lezgintir bûye. Di ber re wext dibîne ku dersên rojnamegeriyê jî bide xelkê. Di Yekîtiyê de Ali Kirca dibêje: "Rojnamegerên biyan hatine filmên ku senaryoyên wan berê hatine nivîsandin, bikişnin." Çapemeniya ku ji xeynî agahiyên berevajîya rastiyê tiştêkî nanivîsinin, di menşetên xwe de didin dijîmînan, ji bo tiştêkî biçûk dikevin qirika hev, jî çapemeniya biyan re dibêjin: "Ew ne rojnamegerî ye." Bi xwe li ser piyêkî deh vîran dikin, xelkê bi derewkariyê îtham dikin. Ji ber ku nûçeyên wan jî

çavkaniyekê ne, hezar fetlan didin xwe ku hinekî şiklê wan biguherînin; lê naverok tim eynî ye. Hinek ewqas şûrkêş in ku ji sibe heta êvarê takîkên kuştinên mirovan didin dewletê, ji derdorên biyan pirsan dibarînin ku rê li ber rexneyên wan bigirin. Mesela İlnur Çevik di quçikê

xwe de ewqas dide navê ku gefan li rayedarên alman dixwe, dibêje: "Binêr, êdî sebra me nema ha!"

Rojnamegerên tirk van rojan ji ber ku zorê didin xwe hinekî ji jîritiyê ketine, zêhf çewtiyan dikin. Mesela, çend

rojan berî vî Kanal 6'yê nûçeyek weşand. Di vî nûçeyê de tê gotin ku bombeyek di destê zarokêkî de teqiyê, ew ji destekî xwe û çavekî xwe bûye, mesûlê vî yekê jî "terorîst" in. Lê dema bi zarok re diaxivin, rengê

nûçeyê diguhere. Zarok dide zanîna ku leşkeran bi


qestî bombe daye wî. Dîsa kanala TGRT ji bo ku tîkçûna gerilayan îsbat bike cih da, peyivîna bêtêlê ya di navbera du gerilayan de. Peyivîna bi kurmancî bû û qet tiştêkî ku bi kêrî wan were di nav de tunebû. Li aliyê din rojnameya

Sabahê roja 31'ê adarê cih da nûçeyekê. Nûçe behsa merasîma cenazeyê Altuğ Aktan dike. Mirov jê hîn dibê ku ew üstteğmenê hewayî ye û ji ber ku roketek rastî helîkoptera wî hatiye ew miriyê. Lê tu rojnameyan heta niha qala ketina helîkopterekê nekiribûn. Hin caran nûçeyên wan li hev nakin, wekî êrişa ku gelê Başûr anî ser konvoya Kızılayê. Dema rojnameyê an TV'yek tirk nûçeyêke cihêreng bide, jî rêzê derkeve, tavilê "brîfîngê dixwe." Ji ber vî yekê navê wê yê 3'yan, Çapemeniya Brîfîngan ê. Navê wê yê duyemîn wekî te zanîna, çapemeniya mehmetçik e.

SAMÎ BERBANG

ANALİZ

* "KIZILAY"!



Kesên "windayî li ku ne?"

Malbatên kesên ku ji ber bûyerên Gazî û Ūmraniyeyê hatine girtin, roja 4'ê mehê li ber Walîtiya Stenbolê livbaziya rûniştinê pêk anîn. Polîs têkilî livbaziyê kir û ji malbatan gelek kes binçav kirin.

Li Stenbolê li ber deriyên walîtiyê malbatên kesên girtî û "windayî" livbaziyek çêkirin. Ji rayedarên dewletê xwestin ku zarokên wan ên girtî û windayî bêne berdan û dîtin. Polîsan bi jop û daran êrişî ser livbazan kir û gelek ji wan hildan binçav. Piştî bûyerê, malbat an li Komeleya Mafên Mirovan (KMM) civînek çêkirin û daxuyandin ku dewlet li dû dek û dölaban e. Malbat an dan zanîn ku ew kesên wekî "provokator" hatine nişandan û girtin ne wisa ne û dewlet dixwaze xwe bi wan fênan xelas bike. Ji aliyê din ve ji bo dîtina kesên "windayî" û berdana kesên girtî malbat an li gelek cihan dest bi xweragirtina birçibûnê kirin. Grev di roja 3'yê avrêlê de li dar ket. Kesên ku li KMM'ê Komeleyên Pîr Sultan Abdal ên Ūmraniye, Esenyurt, İktellî û Gülsuyuyê di xwera-girtina birçibûnê de ne ev daxuyanî kirin; ji ku ber mesûlên qetlîama Gaziyê bêne mehke-mekirin dest bi vê grevê kiriyê.

Kızılaya tirk bûye şaxekî MIT'ê

Şerê taybet ê dewleta tirk bi destê hemû rêxistinên wê tê pêkanin. Ji dibistanên tirk û dadgehane bigirin, ta pastexane û komeleyên rojnamevanên tirk, tev mîna şaxên hêzên şere taybet ên dewletê dixebitin. Ger bigotana rêxistinên insanî yên mîna Kızılâyê (Heyvasor a tirk) jî di bin xizmeta şerê taybet de ne, kesî bawer nedikir.

Lê mixabin bûyerên dawî yên ku li başûrê Kurdistanê diqewimin nişan didin û îspat dikin ku Kızılaya tirk jî ketiye bin xizmeta MIT'ê û Tîmen taybet ên tirk.

Li gorî çavkaniyên herêma Başûr, tîmên taybet û endamên MIT'a tirk bi kincên wezîfedarên Kızılâyê dikevin nav gundên Başûr, ajanîyê dikin, bi siwareyên vê rêxistinê çek û silahan dibin û tînin gundan dişewîtin û kirinên dijmirovî dikin. Bûyera roja 5'ê avrêlê jî mîna-kek e ji bo kirinên wan ên qirêjî. Yek ji wezîfedarên Kızılâyê jî ber xwe dema-çeyke çardexwir derdixê û girseya gel gulebaran dike û çar gundiyan dikuje. Eger ew wezîfedarên Kızılâyê bin dema-çeyya çardexwir bi wan re çî dike.

Wekî din li gorî gotinên nûçevanekî televizyoneke tirk (HBB) ku nexwest em navê wî bidin, wezîfedarên Kızılâyê bi şev derdikevin operasyonan. Mesela yek ji wan jî nûçevanê HBB re dibêje: "Me îro şeş xaniyên sempatizanên PKK'ê firandin hewayê." Dewleta tirk jî aliyekî ve bi navê alîkariya mirovî Kızılâyê a tirk dişinê Başûr û xwe mirovhez nişan dide, ji aliyê din ve Kızılâyê mîna şaxekî hêzên taybet ên dewleta tirk dikeve nava Başûr û qetlîaman pêk tîne.

Navenda Nûçeyan

Parlamentoya Kurdistanê ava dibe

Parlamentoya Kurdistanê ya li Derve vedibe. Li ser navê Komîteya Amadekar Remzî Kartal daxuyand ku wê parlamento di 12'ê mehê de vebe. Kartal der barê cihê ku Parlamentoya Kurdistanê lê vebe agahî neda û gote ku navê cih û welêt veşarî ye.

Kartal di daxuyaniya xwe de vekirina Parlamentoya Kurdistanê ya li Derve wekî "bûyereke dîrokî" nixand û da zanîn ku êdî qonaxa ku gelê kurd gihîyayê ye sa-

ziyên wiha dixwaze.

Ji aliyê din ve mebusên Parlamentoya Sirgûnê dan û standinên xwe yên bi rayedarên dewletên cur bi cur re didomînin. Heyata Parlamentoya Kurdistanê, di 5'ê avrêlê de li bajarê Lizbona Portekîzê civînek çapemeniyê çêkir û der heqê operasyona komara tirk de ya li başûrê Kurdistanê ya îşgalkirinê agahî dan rojnamevan û beşdaran. Ji aliyê din ve heyet bi parlementerê Ewropayê yê Partiya Komunîst

Miguel Urbano Rodríguez û parlementerê Partiya Sosyalist Carlos Luis re hevdiñtin pêk anîn.

Herdu partî pirsnameyekê jî dan parlamentoya xwe û pirsname hate qebûl kirin. Parlamentoya Portekîzê danezanek belav kir û tê de diyar dike ku divê komara tirk tavilê ji başûrê Kurdistanê vekişe û bi nûnerê gelê kurd re dest bi hevdiñtinan bike.

Navenda Nûçeyan

Li Îranê 145 kes hatin kuştin

Li du navçeyên Îranê bi hezaran kesî zêdebûna buhayê neftê û nebûna avê protesto kirin. Di van bûyerên ku roja 2'yê avrêlê pêk hatin de polîsan berik reşandin ser gel û zêdetirî sed kesî hatin kuştin, evqas mirov jî birîndar bûn. Piştî

protestoyên ku li Îslamşahr û Ekberadê pêk hatin, hêzên dewletê gelek kes girtin bin çav. Li van derên ku bi piranî lê karker dimînin, protestovan du îstasyonên benzînê jî şewitandin. Çapemeniya resmî kesên ku protesto li dar xistin wekî opotunîst

bi nav kir û alîgirên rejîmê jî roja 3'yê mehê bi xwepêşdana- nekê piştigiriya xwe ya ji bo rejîmê nişan dan.

Li îranê jî sala 1979'an bi vir ve mele li ser kar in. Ji 15 salên hikimdariya wan 10 sal di nava şer de derbas bûn.

Navenda Nûçeyan

Li Hezo 23 leşker mirin

Gerilayên ARGK'ê roja 1'ê avrêlê Gavêtin ser mala kumandarê qereqola Ismailkayê Hezoyê, piştî cerda ser mala kumandar gerilayan 3 cemse û panzerek xistên kemîna xwe.

Li Hezoyê, gerilayan cerdî mala kumandarê qereqola Ismailkayê kirin, qumandar û mêvanên wî di cerda gerilayan de mirin, piştî vê êrişê, gerilayên li nêzikî mala kumandêr hêzên ku ji bo mûdahaleyê hatin xistin kemîna xwe. Di kemîna gerilayan de 3 cemse û panzerek tehrîp bûn. Cemse jî ber gulebarana dijwar şewitîn. Li gorî agahiyên çavkaniyên herêmê di vî şerî de 23 leşker mirine.

Kurd-A

Walî ji mirinê filitî

Roja 30'yê adarê, erebeya Waliyê Êlihê Salih Şarman, li navbera Amedê û Êlihê ji aliyê gerilayên ARGK'ê ve hate gulebarankirin.

Gerilayên ARGK'ê di navbera Amedê û Êlihê de, nêzikî Pira Malabadê, bi roket û tivingan êrişî timên taybet kirin. Piştî êrişî di navbera gerilayan û timên taybet de şer derket. Walî Şarman ji bo ku li cihê şer çavdêriyê bike bi konvoya taqwiye re dikeve rê. Gerila konvoyê gulebaran dikin û erebeya walî jî ji gulebaranê nesibê xwe distine. Lê bi şenseke mezin Şarman bêbirîn difilite. Di şer de gerilayan zeyiyet neda, derheqê zeyiyetên timên taybet de agahî bi dest neketin.

Welatê Me/ Êlih

Ala tirk şewitandin

Li paytexta Rûsya, li Moskovê, îşgala Lkomara tirk ya başûrê Kurdistanê li ber balyozxaneyê Tirkîyeyê hate protestokirin. Roja 4'ê adarê li ber balyozxaneyê Tirkîyeyê ya li Moskovê, nêzikî 200 kurdî îşgala Başûr protesto kirin. Protesto nêzikî 4-5 saetan dom kir û protestvanan bi zimanê kurdî, rûsî û tirkî sloganên wekî: "Bijî PKK, Bijî Serok Apo, Bijî gerila" avêtin. Protestvanan di dawîya livbaziyê de ala tirkan jî şewitandin. Gelek rojnamevanên rûsî jî li wir amade bûn. Polîsên rûsî mudexeleya wan nekir û protesto bêtesqeale qediya.

Welatê Me/Moskov

Protestoya dixtoran

Komeleya Dixtorên Demokrat ku Navenda wan li Frankfurtê ye, roja 21'ê adarê daxuyaniyek şandin ji çapemeniyê re û îşgalbûna başûrê Kurdistanê protesto kirin.

Komeleya dixtoran di daxuyaniyê de cih dan van gotinan, "Komara Tirk, PKK'ê jî xwe re dike mane û di cejna kurdan ya neteweyî Newrozê de, bi zanîn dest bi êrişî dike û armanca êrişê jî eşkere ye ku sivil in. Komara Tirk bi silehên almanan û perçîngandina peymanên navneteweyî vî karî dike." Di dawîya daxuyaniyê de dixtoran bang li Konseya Ewropa û Yekîtiya Neteweya kirin da ku ew jî îşgalê protesto bikin.

Navên 10 kesên ku di xaçepirsa hejmara 19'an de peyva veşarî 'Melkemot' dîtine û pirtûka "Keskesor" qezenc kirine:

Azad Göksu Amed

Musa Iltemiş İzmir

Rüstem Yılmaz Êlih

A.Hekim Ormancı Stenbol

Alişen Avcı Ooser / Mêrdîn

Fikret Arda Amed

A. Akkuş Enqere

Zana Şil Êlih

Halime S. Çiçek İzmir


A. Aziz Batur İzmir

Îşgala artêşa tirk a başûrê Kurdistanê di rojeva hemû çapemenî û medyaya Ewrûpayê de giraniya xwe didomîne

Kîjan rojnameyên biyan çi got

- 1- Leşkerên tirk dixwazin başûrê Kurdistanê bê jîndar bikin. **R. Die Zeit**
- 2- Vê Tirkiyeyê li rêza Ewurpayê nejmêrin (nehesibînin). **R. Taz**
- 3- Xatun Çiller pir bêbext e (bê şans e). **R. Die Zeit**
- 4- Êrîşa leşkerên tirk PKK'ê xurt dike. **R. Suddeutsche Zeitung**
- 5- Siyaseta Ankarayê ya li hemberî gelê Kurd pir tûj e. **R. Frankfurter Rundschau**
- 6- Dewleta tirk rewşa rêveberiya awarte li Kurdistanê berdewam dike. **R. Berliner Zeitung**
- 7- Kes û rêxistinên mafê mirovan mayîna kurdan li Almaniyayê dixwazin. **R. Frankfurtir Rundschau**
- 8- Xwe xurt kirina dewleta tirk ji aliyê çekan ve bi mebesta qirkirina kurdan e. **R. Taz**
- 9- Careke din dewleta alman şandina çekên ji bo Tirkiye dide rawestandî. **R. Suddeutsche Zeitung**

AMADEKAR: DILÊR



Tu belge tune ye ku çekên Almaniyayê li Kurdistanê tên bikaranîn.

Girtiyên Bursa, Çankırı û Haymanayê îşgal protesto kirin:

'Bêdengî pejirandin e'

Pîştî îşgala başûrê Kurdistanê, girtiyên siyasî yên ji dozê cur bi cur daxuyanî şandin û îşgal protesto kirin. Dilên Girtîgeha Bursa, Çankırıyê û ji Girtîgeha Haymanayê Doç. Haluk Gerger û Remzî Küçükertan ev hovîtî û îşgalê bi greva birçibûnê ji bo 2 rojan, protesto kirin. Girtiyên di

daxuyaniyên xwe de gotin ku, gerek e artêşa tirk derhal ji başûrê Kurdistanê vekişe û dev ji qetlîema xwe berde. Dîsa girtiyên bang li rayagiştî û hemû mirovahiye kirin û gotin ku bêdengî tesdiqkirin e û bila dengê xwe bilind bikin.

Navenda Nûçeyan

XAÇEPIRSA BIXELAT (19)

	H	Y	Q	Ü				
K	E	L	E	P	Ö	R		
J	E	N	O	S	Î	D		
X	A	K	L	E	T	M		
A	A	R	A	M	R	O		
Ä	Q	İ	L	N	E	H	L	Ä
A	N	Î	N	R	E	V		
A	R	Ç	A	N	D	İ	N	İ
K	E	L	A	N	İ	S	K	
İ	R	A	İ	S	O	T	A	U

PEYVA VEŞARÎ

(M)(E)(L)(K)(E)(M)(O)(T)

Xaçepirsa me bixelat e.

Di 15 rojan de çî bersiv bigihîjin me, em dinirxînin. Xelat bi usûla qurayê li deher kesên tînan belavkîrin. Xelata hejmara 21'an; pirtûka **Çexov Bexçeyê Vişne** ye. Ev pirtûk ji aliyê weşanxaneyên NÜDEM'ê ve hatiye çapkirin.

Jêrenot:

Ji bo ku bersiva we bê nixandin, divê hûn "Peyva Veşarî" di nava qutiyên li bin xaçepirsê de binivîsin û tevî adresa xwe ji me re bişînin.

Xelata Xaçepirsê

ÇEXOV

Bexçeyê Vişne



"Bexçeyê Vişne" Çexov

XAÇEPIRSA BIXELAT (21)

Hewar feryad Kesê di wêne de	Navek Jin, afret	Celebek fotografê Merşa neteweyî	Gihanekek Strî		
				Dardekirin	
Siyaset		10	7		
Enstrûmanek			Çejn Mehek		
Temsilbar		11		Mam Niştîman	
Carbon	Oksîjen	1	Êl, eşir Pirça li serî	3	Haydê Firoşkarê seyar
	Hidrojen		Sen'at Teyreke dirinde		Zemîn Sembola neteweyan
	Felaket		5		
	Pê por rast dibe				Sembola Vanadyûmê
Bajar				8	
Zeviya tîrî				Biedalet adil	
		6	Îstixbarata Tirk		4
				Li Almaniyayê robarek	

PEYVA VEŞARÎ

1 2 3 4 5 6 7 8 9 10 11

stranbêja ecem a navdar Marzeih:

'MELE LI DIJÎ HER TIŞTÎ NE'

Stranbêja îranî ya navdar Marzeih piştî ku rejîma olperest îmkana stranbêjiyê jê re nehîşt, havîna par ji bo ku tevî Mucahidien Xelq bibe, çû Parisê. Ew di hevpeyvîneke xwe de li ser rewşa siyasî ya Îranê û rewşa jinan li wî welatê tiştên girîng dibêje. Navê Marzeihê yê rastîn Eşref os-Saadet Morteza'î ye û ew 71 salî ye. Em qismekî ji wê hevpeyvîna ku di kovara Newsweekê ya bi mêjûya 3'yê avrêlê de derket, pêşkeşî xwendevanên xwe dikin.

Hûn çima ji Îranê veqetî?

– Li Îranê jin di rewşeke zêhf xerab de dijîn. Ez tenê mînakê bidim, li gorî biryareke dawîn a dadgerên îslamî heke cezayê kuştinê ji bo keçekê bê dayîn, divê pêşî ji qizantiyê bê xistin. Lewre dema qiz be, dibe ku ew here bi-huştê. Gelek kirinên bi vî rengî yên ku li jinan tê kirin, îmkana nehîşt ku ez li wir bimî-

nim. Loma tevî ku ez jiyana malbata xwe ya li Îranê mayî bixim nava xetereyê, ez ji welatê xwe veqetîm.

Ji bo çi rayedarên îslamî yên Îranê stîrîn li te qedexekirin?

– Ma hûn dizanin ku tenê ji ber nîşandana qevdek porê xwe, li Îranê jin dikare bi cezayê 74 qamçiyên bê sizakirin. Dema jinek lêvên xwe boyax bike "parêzkarên şoreşê" karin lêvên wê bi jiletê jê bikin. Heke boyaxê li rûyê xwe bide, ew karin asîdê biavêjin rûyê wê û bişewitînin. Herwiha hûn karin tewra wan a li hemberî staranên min ên evîne ji binin ber çavên xwe.

Heke rejîma îslamî li ber dilê gel ewqas reş e, ji bo çi ew nayê hilweşandin?

– Dinya tê nagihîje ku zilma li ser gelê Îranê çiqas tund e. Li Îranê herkes dizane ku rejîm kare mirovan li nava kolanê ji gulebaran bike.

Gelo îmkana heye ku mele

xwe bi xwe ber bi hikûmetê pirtir bitolerans û laîk ve werin?

– Divê kes ji meleyan hêvîya reformên xwe bi xwe neke. Civaka Navneteweyî pêwîst e karekî hilgire ser milê xwe, ger dixwaze li Îranê demokrasiya ava bibe. Min divê hemû hikûmetên demokratîk Tehranê bi awayekî eşkere boykot bikin.

Ma rejîma berê ya di bin hukmê Şah de hûn çêtir bû?

– Tu guman tune ku rêveberiya Şah, rêveberiyêke polîsan a gemarî bû. Lê meleyan ji şah jî derbas kir. Zordariya wan li ser ximê ol ava bûye, ew jî tê wê maneyê ku ew tenê li hemberî Xwede berpirsiyar in. Kirêtiya meleyan jî ji ya Şah borî. Mele dewlemendiyên welêt yên serd û binerd li xwe xerc dikin. Li Tehranê û hinek derên din ji xwe re qesr û qonax lê kirine. Jinên wan diçin li Parisê, li Newyorkê li Fifth Avenue ji xwe re kincan



Stranbêja navdar Marzeih

dikirin. Dema dizivirin Îranê, wan kincan di bin hêzarên xwe de vedişêrin. Meleyan ji xwe re Mercedess'ên ku gule lê karê nakin kirîne. Ew hêkên masiyan ango havyar dixwin,

li milyon dolar dizîne û ew di bankayên Swisreyê razandine.

Di jiyana mirovên ji rêze de tu bipêşketin çêbûye?

– Mirov pê diêşe, lê divê rastî bê gotin, wan mirovên ku xwe didan ber guleyên ku dihatin Ayetullah Xumeynî, niha pirtir ji destê rejîmê dikişînin. Ew niha bi hêsanî nerazîbûna xwe tînin zimên, lê tiştek ji destê wan nayê.

Van rojan ji bo hunera li Îranê hê jî hûn hêvîdar in?

– Hem hunermend û hem jî rewşenbîr pir tînen eşandin. Hinek stranbêjên me yê baştirin di nava tenêbûnê de mirin. Mele li dijî her tiştî ne. Xumeynî bixwe çavdêriya berhemên hunerî dikir. Lê mirovên hunermend hê jî agirê hunerê wekî bizotekî pêxistî hiştine. Gelê Îranê, gelekî liberxwedêr e, ez bawer nakim ku mele karibin bi giştî kurmê hunerê yê di giyana gel de bikujin. Lê bêguman ew dema tarîtirin a dîroka Îranê ye. Birek mirovên ku karibûne kasetên min bi dest bixin, bi walkmenê lê guhdarî dikin ji bo neyên kifşkirin. Dengê min ew bû 50 sal ku di guhên gelê Îranê de ye, mele nikarin bi hêsanî gel jê bikin. Niha gel dikare ji radyoya Mucahidin ku li derve weşanê dike, dengê min bihîze.

Hûn hêvî dikin ku rojekê hûnê vegerin Îranê?

– Ez ji bo mişextiyê heta hetayê ji Îranê veneqetîm. Ez ketim nav refên liberxwedanê ku em rejîma meleyan hilweşînin.

WERGER:
SAMÎ BERBANG

Penaberên Rwandayî li sînorê Tanzanyayê asê bûn

Di salvegera şerê hundirîn yê Rwandayê de, şerê hutu û tutsiyan îcar xwe li Burundiyê da der. Piştî êrişê şervanên tutsiyan a ser kampên penaberên li bakurê Burundiyê 50 hezaran kes ji bo derbasî Tanzanyayê bibin, dest bi koçê kirin.

Fransayê piştî bûyeran Wezîrê Hevkariyê Bernard Debre ji bo navberdîtinê

şand Burundiyê.

Niha tê gotin ku xebatên wî bûne sebaba hinek gavên ber bi aştîyê. Li ser vê yekê rayedarên Tanzanyayê roja 31'ê adarê sînorê xwe girtin. Peywirdariya Bilind a Neteweyên Yekbûyî ya ji bo Penaberan (UNHCR) da zanîn ku 8700 penaber bi şûn ve vegeferîne kampê xwe. Penaberên din jî ji bo vegeferî hatine îknaki-

rin. Lê wan ew çareserî wekî çareyêke dem demî bi nav kir.

Piştî şerê li Rwandayê yê 3 mehan, nêzî 2 milyon penaber li çend welatên mîna Zaire û Burundiyê belav bûbûn. Hinek ji wan ji tîrmeha 1994'an ve li bakurê Burundiyê bi cih bûne. Piraniya wan hutuyî ne û di nav de kesên ji qetliema tutsiyên sivil berpirsiyar jî

hene.

Li Burundiyê jî ev her du qebileyên ku li Rwandayê şer kirin, hene. Li vî welatî hikûmet di destê hutuyan de ye, lê artêş di bin kontrola tutsiyan de ye, ji ber vê yekê xebatkarên rêxistinên alîkariyê ditirsin ku ew cure qirkirin îcar li Burundiyê dest pê bike.

Nûçeyên Derve



Piştî şerê li Rwandayê yê 3 mehan, nêzî 2 milyon penaber li çend welatên mîna Zaire û Burundiyê belav bûbûn. Hinek ji wan ji tîrmeha 1994'an ve li bakurê Burundiyê bi cih bûne. Piraniya wan hutuyî ne û di nav de kesên ji qetliema tutsiyên sivil berpirsiyar jî hene.

FAL



BERAN (21 Adar - 20 Avrêl)

Dest li ser destan hetanê ezmanê heftan. Hêviya we ji çiyê, mirovahî ew e ku ji rê û şopan veneqete, giraniya cihê xwe bizanibe û fikrên xwe bikaribe bide pejirandin. Pir kes ji we gazincan dikin, hinekî çavên xwe vekin, li der dora xwe binêrin.



GA (21 Avrêl - 21 Gulan)

Ji we tê ku hûn bibêjin: "Ez mirovekî zimanşîrîn im," zimanê şîrîn mar ji qulê derdixe, lê belê nehatiye dîtî ku mirovên wekî we rûsar û cidî zimanxweş bîn qebûl kirin. Şîrînahî hinekî xwe ji mirûzê mirov dide der.



CÊWÎ (22 Gulan - 21 Pûşper)

Carinan hûn xelet difikirin. Dema civaka ku hûn tê de ne, we bi zimanekî sivik rexne dike, hûn qet li xwe venagerin. Rexneyên tûj wê we şermazer bikin, hay ji xwe hebin. Dibe ku hin kes werin xwazgîniya we, yan jî hûn herin xwezgîniyê.



KEVJAL (22 Pûşper - 23 Tîrmeh)

Kenê we û girîna we ji hev nayê derxistin. Ji ber vê yekê kes bi derdê we nahese. Dersên Şanogeriyê wê ji bo we pir bikêr bin. Îhtimal e ku ji we re tûrek gûz ji gund were. Tasek ava kaniyê bidin mirovekî xizan, da ku gûzên we pûç dernekevin.



SÊR (24 Tîrmeh - 23 Gelawêj)

Tîrsa we ji çiyê? Ji her ewrî baran nayê, lê dîsa jî bi tevdir bin, ji xwe re siwanekê bikin. Bi hatina biharê hin kes li belayê digerin, xwe ji wan biparêzin. Karê xwe zû bikin, lewre dibe ku mîvanên we werin.



SIMBIL (24 Gelawêj - 23 Rezber)

Tê dîtî ku di hinek waran de hûn dîsa pisporiya xwe dimînin. Heke ev tişt ji bo we pir ne pêwîst in, dev jê berdin. Çavên xwe ji tava bihara biparêzin, da ku hûn nebin xwediyê berçavkeke xweşik.



MÊZIN (24 Rezber - 23 Kewçêr)

Hûn tişteki dikin, dîsa alemê pê dihesînin. Qet haya we ji qeyideyên xebata nependî nîn e. Bizanibin ku hûn bi vî tewra xwe zîrê didin derdora xwe jî. Heke bi vî awayî here, dibe ku hin kes bibêjin: "Ne ew hêka be, ne jî ew qidqidîka."



DÛPIŞK (24 Kewçêr - 22 Sermawez)

Ji aliyê aboriyê ve tengasiya we pir e, hûn dixwazin bi bergiriyên biçûk du aliyên qelîşteki bidin hev. Lê bi vî awayî ev mesele hel nabe. Wekî dibêjin, bi gulekê bihar nayê. Divê hûn li çareyên din bigerin.



KEVAN (23 Sermawez - 21 Berfanbar)

Hûn wekî Mirîşkên birçî di xewna xwe de çala gêris dibînin. Bi ya me hûn dest bi şîrovekirina xewnên xwe bikin û wan bidin çapê çêtir e. Hûn pir nefsbîçûk in, divê hûn hinekî qure bin. Heke kes pesna we nede divê hûn pesna xwe bidin.



KARİK (22 Berfanbar - 20 Rêbendan)

Ji hirçekî du eyar dernayên. Hûn pir zorê didin xwe, da ku du karan bi hev re bikin, lê hûn t êk diçin. Pêwîste ku hûn armanca xwe ya yekemîn berî pêşîn bibin serî, pişt re dest bavêjin karekî din. Li ber mala xwe dareke spîndarê biçînin.



DEWLİK (21 Rêbendan - 11 Reşemî)

Di jiyana we de pêwîst e ku guherînek çêbe. Ger hûn bixwazin jiyana we rengîn bibe, giraniya xwe bidin ser xwendina wêje, çand û hunerê. Xewneke we wê rast derkeve, pirtûka ku we pir jê hez kir wê bê berhevkirin.



MASÎ (20 Reşemî - 20 Adar)

Xirakin asan e, lê avakirin bizahmet e. Hûn dilê hemû hevalên xwe dihêlin. Divê hûn baş bizanibin ku karê herî dijwar timarkirina dilê şikestî ye. Dema we gavek avêt hay ji xwe we hebin, nexwe hûnê tîk û tenê bimînin.



Mele û rojî

Berdevkê hikûmetê Yıldırım Aktuna di televizyonê de digot: "Ji bo ku zarokên kurd di xwendina xwe de li hemberî zarokên tirk li paş nemînin, em naxwazin ku bi kurdî dibistan vebin."

Mixabin wî digot qey emê jê re bêjin: "Wey Xwedê ji we razî be ku hûn bi vî yekê

qenciya me dixwazin." Ew jî wekî mele dikan. Mele diçe gundekî. Meha rojiyê tê, gundî tev rojiyê digirin. Wexta ku dibe êvar mele berî wext bi nîv saetê azanê dide û gundî jî difitirin.

Wextek tê nabeyna mele û gundiya xera dibe û şer dikan. Di nav derbên lîxistina gundiyan de mele di ber

xwe de dibêje: - Lêxin, lawo lêxin. Ev jî, ji bo qenciya ku min bi we dikir e. Di rojiyê de tim berî wext min ji we re azan dida. Qencî bi we nabe.

We gavê gundî pê dihesin ku çawa "qencî" bi wan hatiye kirin.

MAMOSTE
BEDRAN BÊNAV

Polîs wê dersên mafên mirovan bidin

Di çapemeniya tirk de Droj nîn e ku li ser mafên mirovan û perçiqandina wan, nivîs û nûçe derneyên. Lê van rojan di çapemeniyê de gelek tiştên ecêb û balkêş derketin. Ên bala me kişandin; Serok Wezîr Çiller, "Aletên îşkenceyan bila polîs ji qereqolan hildin û wekî polisên Ewropa û Amerîkayê pirsîyariya girtîyan bikin." Wezîrê Karê Hundirîn Nahit Mentese,

"Li Tirkîyeyê îşkence nîn e." Wezîrê ku ji Mafên Mirovan Berpirsiyar e, berê Azimet Köylüoğlu, "Li Tirkîyeyê 28 celeb îşkence heye." Gerîndeyê Giştî yê Emniyetê Mehmet Ağar, "Wê dersên mafên mirovan polîs bidin."

Gava mirov li van gotinan binêre, dikare bibêje xwediyê van gotinan ji dewletên cur bi cur in. Lê, ev kes rayedarên dewleta tirk in.

Tiştê ku ez zehf meraq dikim, gotina Gerîndeyê Rêxistina Polîsan Mehmet Ağar e. Polîs, gava dersên mafên mirovan bidin wê çî hîni xelkê bikin? Gelo wê teknîkên xweparastina ji îşkenceyan hîn bikin? An, wê teknîkên nû nîşanî xelkê bidin ku bi vî yekê xelkê bitirsînin da ku ew û li hemberî ranebin.

ÎSMETÊ ÎSIF

Qasî nokên di kundir de selawat

Mirovek hebû, her tim mirov dixapandin û destê wî ne paqij bû. Demek tê jî emelê xwe fedî dike û dibêje: "Ezê herim cem şêx tobe bikim." Dide rê û dihere cem şêx. Dibêje: "Şêxê min, heta niha min pir tiştên nebaş kirine, ez dixwazim tobe bikim. Ji bo tobekirinê divê ez çî bi-

kim?" Şêx dibêje: "Divê tu rojê hezar selwatan bikîşînî, wê demê tê efû bibî, tu nekişînî tu efû nabî."

Ew mirov dihere malê, carekê, duduyan selwatan dikişîne, lê belê pir aciz dibe. Difikire ku vî şertî sivik bike. Diçe kundir tîne û hezar nokî dixwe hundirê wî.

Her roj kundir datîne ser destê xwe û carekê bi aliyê çepê ve diqulibîne, carekê bi aliyê rastê diqulibîne û dibêje: "Qasî van nokên di kundir de selawat li ser ruhê mihemed" û kundir datîne cihê wî. Li şûna hezar selwatî carekê selawatê dikişîne.

ÇIYA MAZÎ

Ji berpîrsên ERNK'ê Alî Garzan:

'Sosyaldemokratên sexte nikarin kesî bixapîn'

Nûnerê ERNK'ê yê Ewropayê Ali Garzan li ser gerên Erdal İnönü û Hikmet Çetin daxuyaniyek da çapemeniyê. Di daxuyaniyê de ew çalakîyên wan wekî hewldanên dewleta tirk ên ji bo xapandina gelê Ewropayê tên binavkirin. Daxuyaniya dide zanîna ku gelê Ewropayê li hemberî dagirkirina başûrê Kurdistanê bi rik e û ji ber vê yekê "kesî guhê xwe nedaye derewên sosyal demokratên sexte."

Ali Garzan hikûmeta nû wekî dûmahîka hikûmeta berê bi nav dixe û dide zanîna ku wê xwe radestî militarîzm û şovenîzmê kiriye. Nûnerê ERNK'ê jî dewletên ewrûpî dixwaze ku alîkariya şerê qirêjî nekin, da ku rê li ber çareseriyê siyasî vebe. Daxuyaniya wiha dom dixe: "Helwesta hinek dewletên ewrûpî ku PKK'ê wekî terorîst bi nav dikin, casaretê dide dagirkerên tirk da ku kirinên xwe yê hov bidomînin."

Daxuyaniya armanca îşgala Başûr jî wekî, "li Başûr bi cih bûn û artêşa Sedem dawetî vê derê kirin" şirove dixe. Ew dibêje ku artêşa tirk zirarê dide mirovên sîvîl ji ber ku zora wê li gerîla nabe.

Nûnerê ERNK'ê Garzan bi daxuyaniyê rîya çareseriyê jî nîşan da got: "Divê mafên gelê kurd ên neteweyî bîn nasîn, nexwe demokrasî nayê Tirkiyeyê." Dîsa wî got ku PKK hem jî bo aştiyê hem jî ji bo şer amade ye û bi van kirinan dewleta tirk çala xwe dikole.

Kurd-A

Dewlet biratiyê naxwaze

Roja 31'ê adarê li gundê Sutaşiya Samandağê ku li ser Antakyayê ye, Serokê DEP'ê yê berê Mehmet Latifeci û bavê wî Yahya Latifeci jî aliyê kontrayan ve hate gulebarankirin. Di bûyerê de Mehmet Latifeci û bavê wî mirin, dayika wî û 7 kesên li derdorê birîndar bûn. 1'ê avrêlê, cenaze li gundê Sutaşiyê bi beşdariya 500 kesî tevî bi sloganên mîna, "Bijî Biratiya gelan, Şehîd Namirin" hatin veşartin. Tê gotin ku, malbata Latifeci jî di nav de, gundê Sutaşî axlebî erebên elewî ne. Latifeci jî, di navbera gelê kurd û erebên herêmê de wekî pîrekê bû. Roja 5'ê avrêlê, jî Edeneyê jî rêxistinên HADEP'ê yê bajêr û navçeyan endam û rayedar bi konvoyeke jî 10 erebeyan pêkhatî çûne gundê Sutaşiyê. Heyeta HADEP'ê heta kete nava gund, jî aliyê hêzên dewletê ve 3 caran hate sekinandin. Derdora gund jî bi panzeran ve hatibû girtin.

Welatê Me / Edene

Li Stenbolê rojên bifilm

Festîvala 14'an a Stenbolê ya filman vê heftiyê li Stenbolê dest pê kir. Ji pênc parzemînan li dora 145 filmên navdar di vê festîvalê de tên pêşkêşkirin. Di festîval Stenbolê ya Filman de ku jî aliyê Weqfa Çand û Hunerê ya Stenbolê tê sazkirin, jî filmên, herî navdar ên hemû dinyayê paronamayek fireh cih digire.

Festîval, mîna yê salên berê dîsa jî hin beş û bernamayan kevneşopî pêk tê. Beşên wê ev in: Ji wêjeyê ber bi perdeya spî. Stêrkên ciwan ên dinyaya sînemayê. Ji festîvalên navneteweyî.

Filmên gelek derhêner û stêrkên (listikvanên navdar) binavûdeng di festîvalê de hene. Çend nav û filmên girîng: Ang Lee, Zhang Yimav, Andre Techné, Andre Konchalovsky, Nikita Mihalkov, Yılmaz Güney. Masiyên jî avê derketî, İvanê Erjeng, Evîna Mîr Hîroşîma, Berî ku baran bibare, Nashville, Gorî, Çêlek, Emê sibe hev û din bibînin, Hamlet û hwd.

DIK


'Tu hatî,
lê ne bi xêr hatî
Herr Erdal!'



Heftaya borî Wezîrê Karê Derve yê Tirkiyeyê Erdal İnönü, jî bo ku reaksiyona dewletên Ewropayê û Dewletên Yekbûyî yê Amerikayê nerm bike, dest bi gerekê kir û çû Ewropayê. Çapemeniya tirk û dewlet jî İnönü gelek hîvîdar bû ku, vî karî pêk bîne. Lê ev car wekî xwestina dilê wan derneket. Li Ewropayê hikûmet çiqas dengê xwe zehf bilind nekin jî, raya giştî vê hovîtiyê qebûl nake û reaksiyonên cur bi cur nîşan dide.

Çapemenî û rayagiştî ya Almaniyayê, hikûmeta xwe bi dijwartî rexne dixe û jê tedbîrên dijwartî dixwaze. Li ser vê mijarê di TV û rojnameyan de gelek tişt hate gotin û nivîsandin. Lê, gotinên herî balkêş, programa RTL'ê ya nûçe-magazin "Punkt 12" bû. Di programê de li ser ziyareta Wezîrî Karê Derve yê Tirkiyeyê Erdal İnönü, spiker wisa dibêje, "Gelê mêvanan hûn bi xêr hatin programa Punkt 12'yan. Lê hûn, birêz Erdal İnönü hûn ne bi xêr hatin Almaniyayê! Hûn xwe wekî dostekî nîşan didin. Lê hûn û hikûmeta we, sûcê mezin dikin. Artêşa we îro ketiye erdê Kurdistanê Başûr û hûn li wir sîvîlan dikujin. Bi kurdên li wir re şer dikin. Pişt re jî dibêjin "Em bi terorîstan re şer dikin." Hûn van hovîtiyan jî bi sîlehên alman û bi perçiqandina peymanên navneteweyî dikin. Ez nikarim ji we re bibêjim hûn bi xêr hatin."

İSKANÊ HENÊ



Li Dusseldorfê meşeke ku wê qet neyê jibîrkirin li dar ket

60 hezar mirovên Kurdistanî îşgal protesto kirin

Kurdistanîyan roja 1'ê avrêlê, îşgala dewleta tirk a başûrê Kurdistanê li bajarê Düsseldorfa Almaniyayê bi meş û mîtingekê protesto kirin.

Ji bajarên cur bi cur yê Almaniyayê, nêzîkî 60 hezar kesî, li kolanên li Düsseldorfê jî bo protestoyê li hev civiyan. Di meşê de bi înzeya nûneriya ERNK'ê yê Ewropayê bi almanî û tirkî belavokek hate belavkirin. Posterekî mezin yê Serokê Giştî yê PKK'ê û bi dehezaran alên ERNK'ê di meşê de he-

bûn. Meşvanan di meşê de sloganên wekî: "Bijî PKK, Bijî Serok Apo, Bijî Gerîla" hatin avêtin. Pankartên wekî; "Qetlîma dewleta tirk bidin sekinandin, Tirkiye dîkuje, Yekitiya Ewropayê lê temaşe dixe. Bijî PKK, ERNK, ARGK." bal dikişandin ser xwe. Meşa ku diîrêjiya kurteja wê jî 2 km'yan zêdetir bû, heta meydana mîtingê dom kir û li meydana bi axaftin, şano û dilanan qediya. Axaftaran gotin ku PKK hêviya gelê kurd e û xwestin ku qedexeya li ser PKK'ê bê hildan. Po-

lîsên alman di meş û mîtingê de mûdahaleyî beşdarî nekirin û mîtingê bebûyer xelas bû.

Eynî rojê, li Parisê jî, zêdeyî 5 hezar Kurdistanî, îşgala komara tirk ya li başûrê Kurdistanê bi meşekê protesto kirin. Di meşê de, bi axaftin û sloganan îşgal hate protestokirin.

Li İtalyayê jî, komek parlementerên îtalyanî, jî bo ku qetliamên Kurdistanê protesto bikin, pazûbendên reş li milê xwe girêdan û çûne parlamentoyê.

Welatê Me/ Kurd-A

'Hûn bi xêr hatin parlamentoya me'



Zübeyir Aydar



Ali Yiğit

Ji 3'yê avrêlê bi vir ve, Jendamên Komîsyona Amadekar ya Parlamentoya Surgunê a Kurdistanê, Ali Yiğit û Zübeyir Aydar, li Portekizê hevdîtinan li dar dixin. Yiğit û Aydar gava ji bo hevdîtinê çûne parlamentoya Portekizê, jî aliyê Serokê Komîsyona Derve yê Parlamentoya Portekiz ve bi merasîmekê fermî hatin pergandin.

Piştî pergandinê, Serokê Komîsyonê û li ser navê hemû partiyên 23 parlementeran bi Yiğit û Aydar re civînek çêkirin. Di civînê de, Serokê Komîsyona Derve Antonio Percira, got ku, "Kurd gelek jî yê herî kevnare ye lê gelek caran hatiye

qetilkirin. Em îro bi hatina nûnerên gelê kurd şad bûne. Komîsyona me, îşgala başûrê Kurdistanê protesto dixe û li nûnerên kurdan silav dixe. Hûn bi xêr hatin parlamentoya me." Piştî vê axaftinê, Zübeyir Aydar, der heqê tevgera azadiya Kurdistanê û hovîtiya komara tirk de nêzîkî niv saetê agahî dan komîsyonê. Piştî axaftinê Aydar pîrsên parlementerên portekizî bersivand.

Çapemeniya Portekiz jî eleqeyekê mezin nîşanî nûnerên Parlamentoya Kurdistanê ya li surgunê da û bi wan re hevpeyvîn hatin kirin.

Kurd-A/ Welatê Me

POLITIKA

GÜNLÜK GAZETE
yeni

Dijbereke rojane tê nava me

Di vê heftiyê de, rojnameyê dijber silav li kesên dijber ên pergalê dike. Lewre Xwedî-îmtiyaz ê rojnameyê Necati Taniyan dibêje ku, ew hemû kesên ku gilf û gazinên wan ji polîtîkayên dewletê hene, ji xwe re wekî girseya hedef dibînin.

Erê, kî ji ber pergala kemalîst û kirinê wê ne xweş be, wê karibe daxwazên xwe di rûpelên vê rojnameyê de bibîne.

Rojname wê ji 14 rûpelan

pêk bê. Ji rûpela medyayê heta bi ya karker û xebatkarên, ji rûpela dinyayê heta bi ya ekonomiyê; wê cih bidin gelek mijar û qewmînan.

Ji heftiyê du caran wê rengîn derkeve; rojên şemî û yekşemê. Her wiha rojname wê di eynî rojê de li Frankfurt Almaniyayê jî bê çapkirin. Li Tirkiyeyê jî, li Stenbol û Edeneyê. Rojname heta dema çapê, wê hemû amadehiyên xwe li navenda

xwe bike.

Ev rojnameya nû, bi teknîkên nû hatiye arastin. Li Amedê, Mezrayê (Elezîzê), Agiriyê, Êlihê (Batmanê), Ruhayê, Mêrsînê, Edeneyê, Enqereyê, Îzmîrê û li Samsûnê buroyên xwe vekirine. Tevîhev ji 200 kesî bêhtir xebatkar didine xebitandin.

Xebatkar, li gorî ku dadixuyînin, berê jî di rojname û kovarên dijberî pergalê (sîstemê) de xebitîne û pis-

porên karên xwe ne.

Di nava kadroya nivîskarên rojnameya rojane de, mirov rastî navên naskirî tê: Server Tanilli, Vedat Türkali, Eşber Yağmurdereli, Münir Ceylan, Hatip Dicle, Sibel Özbudun, Demir Özlü, Mihri Belli, Orhan İyiler û hwd...

Yeni Politika herî dereng wê di nivê pêşîn a vê mehê de derkeve. Em ji niha ve jê re dibêjin: "Tu bi xêr û xweşî hatî nava me Yeni Politika."

Xwedî-îmtiyaz yê Rojnameya Yeni Politika Necati Taniyan:

'EM DIXWAZIN

TEVGERA AZADİYÊ BIDIN NASÎN'

Li welatên ku lê demokrasî heye, çapemenî mîna hêza çaremîn tê pejirandin. Piştî hêzên qanûnçêkirinê, birêvebirinê û daraziyê, ew tê.

Lê, heke çapemenî serbest û azad be, ew rewş tê pejirandin. Gelo, li Tirkiyeyê behsa çapemeniyê azad dikare bê kirin? Em bersiva vê pirsê, em ji we xwendevanan re bihêlin.

Baş tê zanîn ku çapemenî ji kar û barên hikûmetê gel agahdar dike, wezîfeya çav, guh, dev, ziman û hwd. ên gel dinimîne (temsîl dike).

Îro li vî welatî rojname tînen weşandin, "bi nav û xetên weşanê yê ji hev cihê." Lê tev, ji hev hîç ne cudatir in. Kirasên wan ne nola hev e, ewqas. Ên di binê kiras de eynî ye. Navê dijberiyê li xwe dikin, hew. Bi yek dengî kirin û siyasetên li dijî kulturên cihê, hindikahiyên olî (dînî), etnîkî... diparêzin. Armanca tevan, hêvîşandin (muha-fazakirin) û parastina yek kultur, yek mîletî ye. Bi gotineke kurt û tijî mane, "Tirkiye ya tirkan e" bes-meleya wan e.

Divê bê gotin ku, rojnameyên rojane û bi rastî

dijber jî, derketin. Lê berdêleke gelek giran dan. Hatin kuştin, bombekirin, girtin. Gerewa (berdêla) xebata xwe ya mirovane dan. Özgür Ülke û Özgür Gündem, nimûneyên herî balkêş in di vî warî de.

Niha jî rojnameyêke din, bi navê Yeni Politika dike derkeve. Ew jî xwe ji sîstema kemalîst re wekî muhalîf diyar dike. Xwediyê wê yê îmtiyaz Necati Taniyan e. Bi xwe Gurcî ye. Di çapemeniyê de bi navê Tanto İmer jî tê nas-kirin. Em beriya ku rojname dest bi weşanê bike pê re peyivîn.

Îro li Tirkiyeyê gelek rojnameyên rojane hene û hûn jî haziriya weşandina hebeke din dikin, ji ber çî?


— Heke em avakirina Komara Tirkiyeyê bi vekirina Meclîsa Tirkiyeyê dest pê bikin, ev 75 sal in ku, li welatê me der heqê fikir, bîr û bawerî, çapemenî, weşan, vegotin, zanist, hindikahiyên etnîkî de, serbestiya organîzebûnê nîn e. Her tişt tek hatiye dîtin, tek partî, tek kultur, tek netewe, tek mezheb û hwd.

Sendika nîn e, kome-

le nîn e. Ev di dema Osmanî de hene, lê di dema komarê de nîn in. Ez ne şaş bim cara pêşîn, der barê sendikayan de xebat di salên 1950-51'î de çêdibin. Bi kurtasî, serbestiya organîzebûnê nîn e.

Der barê çapemeniyê de jî çend ceribandin hene ku li derveyî îdeolojiya dewletê ya resmî dest bi weşanê kirine. Beriya salên 1950 Rojnameya Tan, di salên 70'yî de Yeni Ortam û beriya 80'yî Rojnameya Demokratê. Em dibînin ku ev rojname jî hatine rû-

Avahiya Yeni Politikayê; di vir de ji sedî bêhtir kes dixebitin. Rojname ji billî çapê, hemû karên xwe yê weşanî tê de amade dike.



xandin (îmhakirin).

Di van demên dawî de hewl û pratîkên rojnameyên Özgür Gündem û Özgür Ülkeyê hene. Ev rojname ji bo ku politikayên dewletê yê red û înkare, ji holê rakin xebitin. Ev jî tê zanîn, ew rojname ji ber politikayên şidetê yê dewletê an mecbûr man weşana xwe bidin sekandin, an jî hatin girtin.

Ev rojnameyên ku niha tîn weşandin, hemû di bin emrê dewletê de ne û berdevkiya wê dikin. Lê bi hindikahî be jî, li gorî pîvanên welatên medenî ihtiyacî bi çapemeniyê azad, serbixwe û demokrat heye. Ji ber van sedeman em derdikevin û derketinê wekî wezîfeyekê dibînin.


Hûn bi vê rojnameyê dixwazin xwe bigihînin kîjan girseyan, deng li kê bikin?

- Belkî gotinên min bi awayekî bi ser re bin, em dixwazin xwe bigihînin wan kesên ku xwe derbarê fikir, bîr û bawerî, vegotin, çapemenî, weşan, zanist û hindikahiyên etnîkî de, bi rê ne xistine, bêteskîlat mane. Di vê navê de em deng li karker, xebatkar, gundî, esnaf, karmend, teqawid û hwd. jî dikin. Heke kin were gotin em girseyeke pir fireh didine ber xwe û em dixwazin xwe bigihînine wan. Bi kurtasî emê ji mirovên ku tengasiyên wan hene re bibine neynik (eynik).

Emê bibine rojnameya kesên ku, bi riya demokratîk dixwaze mafên xwe yê bingehîn bi dest bixe. Emê di warê çapemeniyê de bidine zanîn ku, divê êdî politikaya dewletê ya red û înkare jî navê bê hilanîn. Jixwe êdî ne mumkun e ku ev politîka bidome. Divê yê ku jê tesîr standine bi hişên xwe ve werin, bêne ser kok û eslên xwe.

Hûn xwe wekî rojnameyê dijber (muhalîf) didine xuyakirin û hûn dixwazin bi vî wesfê xwe têkilî bi qonaxê (pêvajoyê) bikin. Hûnê karibin çiqas bandorê (tesîrê) lê bikin?

- Em diçin û tîn rastî politikaya red û înkare ya 75 salan tî. Ji bo ku ji vê red û înkare gel bê filitîn, di binê pêşengiya gelê kurd ê bira de, xebatek heye. Em dixwazin vê tevgera azadiyê bi



Xebatkar ji bo derxistina rojnameyê bi lezgîni amadehiyên xwe dikin.

mirovan bidine nasîn. Divê em wan pê serwest bikin. Xebat mîna bûyereke terorê tê navandin. Gelek, ne mumkun e ku bi tevahî terorîst be, jixwe nabe debaş a mijarê (mewzûya behsê) jî.


Ez bi xwe Qertvelî me, her çiqas bi qasî kurdan nebe jî, gelsên me jî hene. Divê em van jî bidine gotin, bi mirovan bidine fêmkirin. Navê cih, dever, çiya, gund, bajaran hatiye guhartin. Qala 37 an jî 27 hindikahiyên tê kirin. Li Tirkiyeyê nayê zanîn ku ka çiqas hindikahiyên ku ji neteweyên cur bi cur in hene. Niha bi înkarkirina van heqîqetan, redkirina wan, bi bêsexsiyetkirina mirovan tu kes nikare xwe bigihîne cihekî.

Emê van mijaran bi riya çapemeniyê derxine rojevê û bidine munaqesekirin.

Hûn bawer dikin ku hûnê karibin bi rihetî bixebitin û weşana xwe bigihînin girseya ku hûn deng lê dikin?

- Pratîka rojnameyên dijber li ber çavan e. Ji rojnameya Tanê heta bi Özgür Ülkeyê. Niha jî em derdikevin. Em dev ji xeta xwe ya dijber bernadin û em bibiryar in. Em dizanin ku wê diwarî û tengasiyên me çêbibin. Em bi destûran naxebitin û rojnamevanîyê nakin.

**AYNUR BOZKURT
ZANA FARQÎNÎ**



NECATÎ TANIYAN

"Ez zarokê wê deverê me ku, navê bajarê wê, qezaya wê, nehiyeya wê û gundê wê hatiye guhertin. Lê belê, ji bo ku hûn fêmkirin ezê navên wan ên nû bibêjim ku 75 sal in wiha tî zanîn. Ez ji Artvînê, navçeya Şavşatê, nehiyeya Meydancikê, ji gundê Madenê me. Ez Qertvelî me, li Tirkiyeyê bi navê Gurcî tê zanîn. Min 28 sal mamostetî kiriye, ev sal û nîvek e ku, ez ji karê xwe teqawid bûme. Em ji binemaliya xwe ve li Artvînê ne. Bi gotineke din em xwecihên wê deverê ne. Ji sala 1921'î bi vir ve, ji ber peymanê di navbera Komara Tirkiyeyê û Sovyetê, em li vî aliyê mane û bûne hemwelatîyê tirk. Tabî, gelê me wê çaxê xwestiye li aliyê Tirkiyeyê bimînin."



Artêşa tirk nikare lê çapemenî dikuje

Tirkiye bi sedema işgala başûrê Kurdistanê, li bakurê Kurdistanê nikare operasyonan bike. Tê zanîn ku, artêşa tirk bi hêzeke 70-80 hezar leşker, tank, top û balefirî ketiye erdê Başûr û operasyonê mezîn li dar dixê.

Li gorî agahiyên rojnameya International Herald Tribunê, artêşa tirk ji ber bêhelîkopterbûn û nebûna cebilxaneyê operasyona xwe ya li Dêrsimê daye sekandin. Li gorî agahiyên nûçeyaya ku rojnameyê ji rayedarên artêşa tirk standiye, nêzîkî 15 hezar leşker ji îna bori ve li herêmê ne û ji ber ku nikarin tedarîka sîleh û cebilxane bikin sekîne. Rojname ji devê rayedarekê artêşa tirk dide zanîn ku, operasyon dereng maye, ev yek jî bi sedema bêhelîkopteriye ye. Helîkopter tev li başûrê Kurdistanê ne. Dîsa rojname bi me dide zanîn ku, rayedarên artêşa tirk dixwazin hejmara hêzên xwe yê li Dêrsimê bikin 30 hezarî.

Operasyona Dêrsimê bi vî rengî di çapemeniya biyan de cih digire. Rayedarên artêşa tirk dadixuyin ku, nikarin dest bi operasyona Dêrsimê bikin. Lê çapemeniya tirk her roj li Dêrsimê bi dehan gerîla dide kuştin. Gelo, rayedarên artêşa tirk ne rast dibêjin, an çapemeniya tirk tîştê ku artêşa wan nikare bike, dike?

İSMET ÜSİF

Li bakur û başûrê Kurdistanê êrîşên gerîla zêde dibin. Di pêvajoya heftiyekê de;

ARGK'ê çar tabûr hilweşandin

Buroya çapemeniyê ya ARGK'ê bilançoya şer ya meha adarê daxuyand. Li gorî agahiyên ku di daxuyaniya ARGK'ê de cih digirin, di meha adarê de li 11 deran rê hate birîn, li 41 cihan kemîn, bi gîştî li 110 cihan livbazî pêk hatin. Di wan livbaziyan de 9 birutbe, 749 leşker mirine, 92 jî birîndar bûne. Kurê ser cerdevanekî û 40 cerdevan hatine kuştin, 17 de jî birîndar bûne. Dîsa 6 ajan hatine kuştin, 6 ajan jî birîndar bûne. Ji xeynî wan, 4 cerdevan û 2 lêzîmên wan û 4 ajan jî ji aliye gerîlayan ve hatine girtin.

2) Di meha adarê de 109 gerîla mirine, 29 jî birîndar bûne. Gerîlayên birîndar jî tene tedawikirin.

3) Gerîlayên ARGK'ê di eynî mehê de 3 çekên keleş, 75 berikên keleşan, 3 jarjorên keleşan, 4 bombeyên destan, 403 çekên taybet, 7 jarjorên G-3'yan, çekeke B-7'an, 2 roketên B-7'an û şerîdên wan, 7 roketên B-7'an, roketekî B-3'yan, çekeke BG-3'yan, 365 çekên MG-3'yan, 220 berikên G-3'yan û çenteyên wan, namlûyêke MG-3'yan, 2 çekên M-18'ên portatif, çekeke çardexwîr, 9 berikên çardexwîran, 2 çekên biyan û jarjorên wan, 150 berikên M-3'yan yê portatif, 600 berikên M-4'an, 3 roketên B-7'an, roketekê G-3'yan, dîrbînekê şevê û durbîneke rojê, durbîneke M-16'yan, 7,5 Milyon peryên tirkên, 8 tîfîngên nêçîrê, 4 seatên zendan, 27 xurcîkên piştan, kepenekê xewê, 11 xurcîk, 3 beteniye, 2 makîneyên wênayan, palaskayek, 6 qapot, baranî, nasnameyên leşkeran û hwd. bi

dest xistine.

4) Dîsa di vî mehê de, 26 cemse, 6 tanq, 5 panzer, 3 tîm, 7 lêsiwarên leşkeran, 2 otubus, 3 lêsiwar, avahiyeke hêzên emniyetê û 6 malên cerdevanan hatine şewitandin. Ji xeynî wan, 21 birênd petrolê, 4 dirêkên trafoyê hatine îmhakirin.

Di daxuyaniya bilançoya şer de tê gotin ku cerdevan ji ber livbaziyan gerîlayên ARGK'ê şaşwaz bûne û xwe bi xwe li hev didin.

29. 3.1995
Gerîlayên ARGK'ê êrîş dan ser tabûra Besnayê û Birûjnê. Di vî êrîşê de gerîlayan bi çekên doçka û roketan avahiyan tabûran kavit kirin.

Gerîlayan li ser rîya di navbera Êlihê û gundê İsmalkayê de êrîş dan ser hêzên dewletê û 2 panzer îmha kirin.

Dewletê di operasyona Başûr de topek avête mewziya leşkerên xwe û bi vî topê 35 leşker kuştin.

Li Şirnexê di navbera cerdevanan de şer derket, di vî şerî de 3 cerdevan



dest xistine.

30. 3. 1995
Li Begovayê bi şerê di navbera gerîlayên ARGK'ê û hêzên dewletê de 3 leşker mirin.

Li Haftanînê, di geliyê Derya Şîn de di navbera gerîlayên ARGK'ê û hêzên dewletê de şer qewimî, 20 leşker hatin kuştin.

Di navbera Haftanînê û Haburê de gerîlayan êrîş dan ser hêzên dewletê, di vî êrîşê de tankek îmha bû.

Li Habizbana Mêrdînê cerdevanan dest danî ser 13 pezên gundiyeke, ji ber vî kirina cerdevanan gerîlayan êrîş birin ser cerdevanan û 29 heb ji wan kuştin.

Gerîlayên ARGK'ê li Mêrdînê êrîş dan ser cerdevanan 4 cerdevan kuştin, 6 jî birîndar kirin.

Li ser rîya Silopiyê tankek li mayîna gerîlayan qelibî, tank îmha bû, 9 leşker jî mirin.

1. 4. 1995
Gerîlayên ARGK'ê bi çekên giran êrîşî ser navenda Şirnexê kirin. Di vî

mirin.

31. 3. 1995
Li Habizbana Mêrdînê cerdevanan dest danî ser 13 pezên gundiyeke, ji ber vî kirina cerdevanan gerîlayan êrîş birin ser cerdevanan û 29 heb ji wan kuştin.

Gerîlayên ARGK'ê li Mêrdînê êrîş dan ser cerdevanan 4 cerdevan kuştin, 6 jî birîndar kirin.

Li ser rîya Silopiyê tankek li mayîna gerîlayan qelibî, tank îmha bû, 9 leşker jî mirin.

1. 4. 1995
Gerîlayên ARGK'ê bi çekên giran êrîşî ser navenda Şirnexê kirin. Di vî

êrîşê de panzereke leşkerî îmha bû, 3 leşker û subayek jî hatin kuştin.

Li warê Zivinga Sipî gerîlayan, hêzên dewletê xistin kemîna xwe, di vî bûyerê de 2 leşker mirin û 1 jî birîndar bû.

Gerîlayan bi ser tabûra Bepînê ve girtin. Di vî êrîşê de leşkerek mir, 16'leşker jî birîndar bûn.

Li Başûr li ser girê Şehîd Mustafa gerîlayan êrîş dan ser hêzên dewletê, 6 leşker kuştin.

Li gorî çavkaniyên ARGK'ê, hêzên dewletê laşên 24 leşkerên xwe bi hev re xistine goristaneke.

2. 4. 1995
Tabûra Bekarayê jî bû hedefa hêzên ARGK'ê, gerîlayan di vî êrîşbirina ser tabûra Bekarayê de, 3 leşker kuştin.

Eynî roj gerîlayên ARGK'ê cerdê ser qereqola Şikevtiyayê kirin, di dawîya cerdê de 17 leşker hatin kuştin.

Gerîlayên ARGK'ê li nêzîkî Warê Kesrokê tankeke dewletê xistin kemînê û ew îmha kirin.

3. 4. 1995
Hêzên dewletê di ope-

Welatê Me/ KURD-A

rasyona Başûr de êrîş dan ser gel û welatperêzek kuştin.

Gerîlayên ARGK'ê bi çekên giran li tabûra Dişar Reş xistin, tabûr tev de wêran kirin, der heqê mîrî û birîndaran de xeber bi dest neketin.

Li Çelê, di navbera gerîlayên ARGK'ê û hêzên dewletê de şer derket. Di vî şerî de 30 leşker mirin.

4. 4.1995

Gerîlayên ARGK'ê di navbera Hazroyê û Êlihê de hêzên dewletê xistin kemîna xwe. Di kemînê de 3 cemsayên leşkeran û panzerek îmha bûn, nêzîkî 20 leşker jî mirin.

Li warê Kova Reş hêzên dewletê li mayîna gerîlan qelibîn, 2 subay û 3 leşker mirin.

Di eynî saetan de gerîlayan êrîş dan ser Qerargaha Çelê, qerargah wêran kirin, piştî êrîşê 18 leşker mirin, gelek leşker jî birîndar bûn. Li ser êrîşê komek leşker jî revîn der-dora gundê Çelê.

5. 4. 1995
Gerîlayên ARGK'ê di navbera Dih (Eruh) û Sêrtê de lêsiwar dane sekandin, nasname kontrol kirin.

Dîsa li ser rîya Dih û Sêrtê, gerîlayan hêzên dewletê xistin kemîna xwe, di vî kemînê de 3 cemsayên leşkeran îmha bûn.

Gerîlayên ARGK'ê leşkerên qereqola Çemê Pireyê xistin kemînê, di vî kemînê de 2 leşker mirin.

Hêzên dewletê êrîş dan ser gundê Sersîngê û gundi kuştin. Dîsa li wê herêmê 4 roj in ku şivan wînda bûne û hê jî tu xeber ji wan nehatiye sitandin. Tê tirsîn ku ew bi destê hêzên dewleta tirk hatibin kuştin.

Welatê Me/ KURD-A

Li Hewlêr protestoya işgalê

Ji roja ku artêşa tirk kete başûrê Kurdistanê û ew der işgal kir, bi vir ve kurdên başûrê Kurdistanê dest bi protestoyan kirin. 20 rêxistinên ku di nava Yekîtiya Neteweyî de cih girtine, bi hev re roja 28'ê adara 1995'an li Hewlêrê bi serhildanekê işgal protesto kirin.

Serhildana Hewlêrê, bi coşiyêke mezîn dest pê kir û nêzîkî 20 hezar Kurdîstanî, bi sloganên wekî, "Bijî Serok Apo, Bijî gerîla, Bijî PKK" meşiyân. Meşê heta ber avahiya Nete-

weyên Yekbûyî dom kir. Li ser navê meşvanan komîteyek bi rayedarên NY'ê re axivî û daxwaznameyek dan rayedaran. Di dema meşê de li hinek deveran tirkmenan xwest ku meşê provoke bikin. Lê meşvanan alên di destê tirkmenan de ji wan standin û şewitandin. Ji wan re gotin, "Nebin maşeya destê komara tirk." Di meşê de YNK'ê cih negirt û di dema meşê de êrîşên PDK'ê didomiyân.

Welatê Me/ Kurd-A

Neteweyên Yekbûyî:

'Ji başûrê Kurdistanê derkeve'

Li ser işgala komara tirk a li başûrê Kurdistanê, roja 24'ê adarê, li New Yorkê Berdevkê Sekreterê Giştî yê Neteweyên Yekbûyî, daxuyaniyek da çapemeniyê. Di daxuyaniyê de hate gotin ku, "Butros Galf, li hikûmeta komara tirk bang dike ji bo ku dev ji işgala Başûr berde û koçber ji tê de çesta kuştina can û malên sivîlan neke. Di dawîya daxuyaniyê de jî ev tê gotin. Li Hizava, Der-

kar û Zaxoyê bi giranî jin û zarokên koçberan, ji êrîşên artêşa tirk zirarê dibînin û divê ji herêma operasyonê werin deranîn." Roja 27'ê adarê, koçberê li herêma Zaxoyê di bin çavdariya Neteweyên Yekbûyî de ji herêma operasyonê hatin deranîn. Lê, artêşa tirk hazirîya êrîşvan koçberan dike û di çapemeniya xwe de wan wekî endamên PKK'ê nîşan dide.

Navenda Nûçeyan

Neteweyek bi axa xwe, dîroka xwe, ala xwe û bi zimanê xwe serbilind e. Îro em dinêrin axa me di bin lingan de ye. Dîroka me ji aliyê dijjmin ve tê nivîsandin. Sê rengên ala me qedexe ne. Ji bo me çi dimîne? Bêşik ziman dimîne. Lê xwedê zane gelê biyan nayên û li zimanê me xwedî dernakevin. Divê gelê kurd lê xwedî derkeve û piştî xwe bi destê xwe bixwirîne.



KURDÎ Û EHMEDÊ XANÎ

Wekî ku tê zanîn sala 1995'an ji aliyê rîxistinên kurd ve wekî sala Ehmedê Xanî hate diyar kirin. Ev biryar ji bo wêje û çanda kurdî tişteki pir girîng e. Ji kurdên xwenas re jî tişteki gelek balkêş e.

Pêşketin û pêşveçûna gelan bi saya çand û wêjeya wan dibe. Çand û wêje jî bi saya rewşenbîr, nivîskar û helbestvanan bi pêş dibe.

Gelê Kurd di vê mijarê de gelekî li paş maye. Çand û wêjeya kurdan ya kevnare ku bûye bingeha çand û wêjeya Mezabotamayê, lê ew ji bo çi wiha di tariyê de maye? Mixabin ji destê wan nezanên ku xwe rewşenbîr nîşan didin. Ewên bi eslê xwe kurd lê bi mêjiyên xwe tirk, ereb û e-cem in. Dema ku em li ser van dihizirin mezinahî û dilovaniya Ehmedê Xanî hê bêhtir xwe nîşanî me dide.

Hevdemên Ehmedê xanî ji bo ku kîsîkek zêr (pere) bistînin an jî pesindanekê wergirin, terî li ber şah û padîşahan dihejandin. Hemûçikan di baxçeyê kurdî de mîna stîrî û qûncirê şax veda bûn. Lê Ehmedê Xanî di nava wan de guleke sor û geş bû. Wî dest avête zimanê xwe yê delal û berhemên xwe yê bêhempa bi vî zimanî nivîsîn.

Neteweyek bi axa xwe, dîroka xwe, ala xwe û bi zimanê xwe serbilind e. Îro em dinêrin axa me di bin lingan de ye. Dîroka me ji aliyê dijjmin ve tê nivîsandin. Sê rengên ala me qedexe ne. Ji bo me çi dimîne? Bêşik ziman

dimîne. Lê Xwedê zane gelê biyan nayên û li zimanê me xwedî dernakevin. Divê gelê kurd lê xwedî derkeve û piştî xwe bi destê xwe bixwirîne. Êdî bila her kurd bizanibe ku ziman namûs e, ziman şeref e, ziman dayik e, ziman yar e. Kesê ku bêziman be ji hemûçikan bêpar e.

Ehmedê Xanî ne bi salekê, wê her dem ji aliyê gelê kurd ve bê bibîranîn. Careke din xuya dike ku mirov bi eslê xwe ser bilind dibe. Ne bi mandilekirina eslê xwe.

Divê em vê jî bizanibin ku kesê nivîskar incex bi zimanê xwe dibe rewşenbîr an na wê bin rewşenbîrê sexte.

Di dawiya nivîsa xwe de li ser vê mijarê ez dixwazim helbesteke xwe pêşkêşî xwendevanan bikim:

KURDIYA MIN

Kurdiya min
Deryaya bêbinî
Şana hingivîn
Şana devê min
Riya min a bêdawî

Bi te radizem
Radibim bi te
Bi te ye girî û şîna min
Ken û şahiya min bi te ye.

Kurdiya min
Zarê zêrîn
Bi te ye strana min
Qîr û hawara min bi te ye
Û bi te ye sond û peymanî min
Hêrs û berza min bi te

Bihar bi te ye
Bihara min
Bi te reng didin
Kesk û sora û zer
Bi te dihele
Roja min
Heyva min bi te

Kurdiya min ala min
Olê min
Tu ne bûya kî bû Ehmedê Xanî
Çi bû Mem û Zîn
Kê nas dikir
Meleyê Cizîrê û Feqiyê Teyran
Wê wînda bûya Elî Herîrî
Nalî û Qedrican
Wê mandile bûna kurd
Wê tunebûya Kurdistan

Îro bi te diherike
Dicle,
Ferad
Bi te pêlan dide.
Û bi te dijwar e Xabûr
Bi te bilind in
Cûdî û Gabar
Bi te geş in
Amed
Dêrsim
Û Mehabad

Îro
Di bin lingan de ye axa pîroz
Wînda ye dîrok
Tar û mar e çanda geş
Tu tenê mayî
Kurdiya min
Diya min
ji te çêbûm
heme bi te
Û bi te dîmirim.....

JÎR DÎLOVAN

DEFTER

Ji zarokên xwe re vê nameyê dişînim

De megirî kurê min,
Li ser çî, ji ber çî digirî. Ez dizanim, canê te yê teze nikare barê bomba û fantoman hilgire. Min ji bir nekiriye, tu her roj mîna gulekê li pêşiya çavên min î. Carekê ez rûyê te li

Helepçeya şewitî dibînim, rojekê ez dilê te li kolanê Şîrnaxê di nava gul û gupikan de dibînim, rojekê jî ez li Cûdî, Gabarê, li Kela Memê te di bin sandiqên fişekan de dibînim. Belê li ser piştî te tenekeyên penêr û helawê dibînim, meraq neke pêdivî nîn e tu ji min re riya xwe nîşan bidî, ez baş dizanim tu wan tiştan ji kê re dibî. Wê li wan qutaran ji bilî "zarokan" kî hebe?

Dilê te dixwaze tu ji însanan re gelek tiştan bibêjî, baş e, lê belê kanî ew însanan ku tu ji wan re çîroka êş û kedera xwe bîni zimên. Diyar e ku te hîna ev dinyaya em tê de ne nas nekiriye. Ax xwezî te rastiya wê bizanibûya, hingê belkî ev hesret di nava hinavên min de nedîma. Bi rastî min nedixwest van hêstiran di çavên te de bibînim. Lewre hîna temenê te biçûk e, ji niha ve xwe hînî girî neke, gelekî dijwar e. Were ji kerema xwe re carekê çîroka jiyana bavê xwe bixwîne, em çendî giriyan, çendî koçber bûn, çendî em li ser devê rîyan birçî tazî, bêban û bêkes man! Ne mîna hêstirên di çavên te de, em di gorê de jî giriyan, hîna ew wêne wekî ewreke kîndar li pêşiya çavên min in, tu dibêjî qey dixwaze laşên mirî bi ser min de berde. Te hîna tişteki nedîtîye.

Rast e, tu diêşî, ez jî bi te re diêşim. Barê bombayan ne sivik e. Tu jî dixwazî mîna zarokên din, ji şer dûr



DILBIXWÎN

jiyan bibî, mafê te ye, ne tenê tu, ez jî dixwazim, lê hema çare çî ye? Min ji te re got, negirî, tu caran ew birîna di kezeba te de derman nake. Nenale, ew li ber nalîna te direqîsin. Destê xwe li ber wan vene-gire, ew destên te yê teze û nazik dişewitînin... Tu niha ji min riya çareyan bixwazî, belê ez tenê vê ji te dixwazim: Li ber xwe bide! Ji berxwedanê bêhtir tu nikarî tu rîyan bibîni. Ji bir neke, eger tu li ber xwe nedî û ji xwe re nebî piştêk, wê wekî ku anîne serê me, bînin serê te jî.

Ne tenê îsal, her sal ew balafirên xwe difirînin. Her sel çiya, zozan, deşt û newalên me dişewitînin. Ev ne cara yekemîn e ku em koçê diavêjin ser milê xwe û berî didin çol û çîyan. Qet xwe neêşîne, dilê xwe teng neke, negirî jî, bila kesek xwe di nava hêstirên te de neşo, kêfa kesekî bi xwe xweş neke. Wekî ku min ji te re gotibû, tenê welat, gel, xaka xwe biparêze û heya ku tu dikarî li ber xwe bide.

Ez vê nameyê ji te re dişînim, lê belê ji hemû zarokên Kurdistanê re bixwîne. Dema ku te name xwend bila her kes dengê te bibihîse. Qet ji kesekî netirse, di bin topan de be jî, dîsa bixwîne, ji xwe di bin topan de me jiyan nas kiriye.

Çavên hemû zarokan ji ber min ve ramûse. Ez li benda dengê te me.

Li gorî baweriya vê efsaneyê, Şahmaran di Qereçarşema pêşîn a zîpan de diçe mala bavê xwe zehî. Zehîtiya wê jî salê carek e. Di vê çarşemê de divê kes li hev nexin, dilê hev nehêlin û rika xwe nedine hev. Nexwe heta sala din wê çaxê, wê ew rewşa wan a neyartiyê bidome. Dîsa li gorî baweriyên, dema ku Şahmaran diçe zehî, heke dinya xweşî be, dawa wê berdayî ye û ji ber vê rewşê mar jê dikevin ser axê. Ew sal mar pir in. Lê ku dinya şilî be, Şahmaran bi piyên tazî û dawhildayî diçe zehî. Wê gavê têjik (çêjik, çêlik) jê nakevin û ew sal mar hema bibêje nîn in.



Ji mîtolojiya gelê kurd nimûneyek:

Qereçarşema serê zîpan

Ezê rasterast behsa Qereçarşema serê zîpan bikim. Şirovekirina wê jî, ji pisporê mijarê re dihêlim.

Di salê de, sê çarşemên zîpan hene. Yek jê di heftiya dawîya meha reşemiyê (sibatê) de ye û du du jî, di herdu heftiyên pêşîn ên meha adarê de ne.

Gerek e ev jî bê gotin ku, li gorî salnameya rûmî ev tînen hesabandin. Di navbera teqwîma rûmî û mîladî de 12 roj ferq heye. Teqwîma mîladî 12 rojan li pêşiya ya rûmî

ye. Li gorî baweriya vê efsaneyê, Şahmaran di Qereçarşema pêşîn de diçe mala bavê xwe zehî. Zehîtiya wê jî salê carek e. Di vê çarşemê de divê kes li hev nexin, dilê hev nehêlin û rika xwe nedine hev. Nexwe heta sala din wê çaxê, wê ew rewşa wan a neyartiyê bidome.

Dîsa li gorî baweriyên, dema ku Şahmaran diçe zehî, heke dinya xweşî be, dawa wê berdayî ye û ji ber vê rewşê mar jê dikevin ser axê.

Ew sal mar pir in. Lê ku dinya şilî be, Şahmaran bi piyên tazî û dawhildayî diçe zehî. Wê gavê têjik (çêjik, çêlik) jê nakevin û ew sal mar hema bibêje nîn in.

Xwezîpkirin

Di her sê zîpan de gel bi gotinên li jêrê xwe zîp dîkin û xwe ji belayê diparêzin.

*Zîp, rîp, gîp
Jan, jû, êş, elem
Tev çûn bi awa çem de.*

Xwezîpkirin jî, bi vî awayî çêdibe. Ew gotinên li jorê sê caran tîne gotin û porê wî/wê kesî/ê tê jêkirin.

Her wiha gel pûrta heywanên xwe jî dibirin, dirêsin û dibin cem meleyekî, seydayekî û pê de didan xwendin. Da ku pêz û dewarên xwe jî, ji êş, bela, teşqeleyan bihêvişin (bixefirînin). Dema heywanekî gundiyan li çolê bimîne û neyê malê, gundî dîsa radibin diçin ba alimekî (ew kesên ku xwendina dîni li medreseyan xwendine) û "devê gur" girê didin.

Ji aliyê îklîmî ve jî, gel navê her sê heftiyên daniye "dema zîpan." Ji ber sar û sermaye wê jî ve gotinê dibêjin:

*Zîp e zîpedar e,
Bibare nebare xedar e.*

ZANA FARQÎNÎ

AZADÎ

Îskandînavya



ABDURRAHMAN DURRE

Bi kurtahî û vekirî, Bem dikarin bibêjin û îlan bikin ku doza kurd û Kurdistanê bûye rojeva hemû gelên cîhanê ku şanaziya gelê kurd e. Li her der û mekanê bexşîşa serhildan û şoreşa şehîd û xazî û şoreşvanên me ye.

Ew ji bo me hemûyan mizgîniya zafera mezin e. Heta 15'ê avrêlê (nîsan) wê Parlamentoya Kurdistanê li Mişextê eşkere bibe, televîzyona kurdî vebe, rojnameya me derkeve. Hêzên TC'ê yên faşîst wê li başûrê Kurdistanê perîşan û sernigûn di lîla (bataklik) bêumidî û bêçaretîyê de noq bibin, li ser dêv bikevin û herin. Gelên cîhanê wê li ber çavên xwe, mezinahî û zafera şoreşa azadî û demokrasî û mirovantiya gelê kurd bibîne û pê baweriyê bîne. Jixwe ku baweriya mirov bi mirov were, dinya hemû dijminê mirov be jî zafer ya mirov e. Hz Muhammed jî di gotinên xwe de gotiye ku bi rastî li ber bawerî û serhildana şoreşê tu hêz û tu quwetên din nikarin bisekinin û li ber dewam bikin, zafer ya şoreşê ye...

Xwedevanên hêja ev bû hefteyek ku li ser navê Parlamentoya Kurdistanê ya Li Mişextê (Surgun) em çend heval li welatên Îskandînavyayê; Swêd, Norwec û hwd. xebatê dîkin û digerin. Bi partî, rayedar û şexsiyetên siyasî û rêzanî re, bi rojnamevan û televîzyonên wan re diaxivin, doza xwe ya însanî, demokratîk û neteweyî ji wan re dibêjin û daxwazên xwe pêşkêşî wan dîkin. Bi rastî pir diqet

û bala wan di aliyê me de ye û ew baldarî roj bi roj mezintir û zêdetir dibe. Rewşeke wilo çêbûye ku hevpeyvîna bi me re tercihî hevpeyvîna bi dîplomaten tirk re dîkin. Dîplomatekî îskandînavî ji me re wiha got: " Em bi Murat Karayalçın re neaxivîn, lê bi we re jî seatekê zêdetir e ku em diaxivin, êdî hûn ji me çî dixwazin?" Min bersiva wî da: " Aliyê guran mekin bes e! Hûn wan li hêviya gerilayên Kurdistanê bihêlin, ew ji heqê wan derdikevin. Gur westiyane, birçî jî bûne, mirina wan nêzik bûye, hûn silah û pereyan nedin wan, em di demeke nêzik de hemû cîhanê ji barbarî û hovitiya wan xelas dîkin. Hûn jî rihet dibin, em jî." Bi vê bersiva min, gelek kêfxweş bûn û kenîyan. Yekî jî wan jî wiha got: " Rast e gur pir hov in, hem jî tirsonek in, ku tirs li wan ket, dest ji hev berdidin û direvin." Li ser gotina wî jî em hemû kenîyan rojnamevanan jî (ev gotin) nivîsîn...

Xendevanên delal, bi rastî jî Îstandînavya pir xweş e, ya herî xweştir jî ev e ku li her derên wê, komel û buroyên Kurdistanê hene. Bi hezaran rewşenbîr û rêzanên azadiya kurdan lê dixebitin. Belê tu kes cihê şoreşvanan nikare tijî bike û nake. Em ji wan hemûyan re minetdar in.

SERBAZÎ WIN

Ke wefdê deçete şiwênê,
Bo ser gorî serbazî win,
Tace gûllîneyek dênê

Eger sibey,
Wefdêk bête welatî min,
Lêm bipirsê
Kwane gorri serbazi win?
Delêm
Gewrem
Le kenarî her cogeyê,
Le ser sekoy her mizgewtê,
Le ber dergay,
Her malê,
Her kilêseyê,
Her eşkewtê,
Le ser gaberdî her şaxê
Le ser dirextî her baxê,
Lem welate,
Le ser her biste zemînê,
Le jêr her geze asmanê,
Metirse! Kemêk ser daxê û
Tace gûllînekê danê...
Abdullah Peşew

SERBAZÊ WINDA

Ku heyetek diçe cihekî,
Ji bo ser gora serbazê winda,
Taca gûllîneke dibe.

Eger sibe,
Heyetek were welatê min,
Ji min bipirse
Kanî gora serbazê winda?
Ez dibêjim:
Mezîne min!
Di rexa her cohekê de
Li ser sekoya her mizgeftê,
Li ber deriyê,
Her mal û
Her kilêseyê,
Li ber devê her şikeftê,
Li ser zinarê her çiyayî,
Li ser direxta her baxî,
Li vî welatî,
Li ser her bihusteke zemînê,
Li jêr her geze asmanekî,
Netirse! Hinek serî bitewîne
Taca gûllîna xwe dane...
Wergêr: Sîrwan

Nimêja zilamê bêkêr

L i gundekî Kurdistanê du bira hebûne, çawa dê û bavê wan dimirin tu kesî wan namînê, herdu bira difikirin û dibêjin: "Ev e tu kesê me û tu tiştê me li vî gundî tune, pêwîst e em herin ji xwe re li welatekî din bigerin." Herdu bira radibin tev ji gund derdikevin. Heya rojek, heftiyek, mehekê diçin. Li rasta çiyakî li wan dibe şev, wê şevê li şikeftêkî dimînin heta dibe sibe. Roj diavêjê dinê, birayê mezin radibe deng li birayê biçûk dike: "De rabe vêca west e, emê herin li ser riya xwe." Birayê biçûk radibe li dora xwe dinerê û dibêje:

"Ma qey emê herin ku? Vî cihî xweş ne haya tu kesî ji me heye, ne tu tiştên nebaş lê hene. Emê li ve derê ji sibê heya êvarê nimêja xwe bikin û diayan ji Xwedayê xwe re bikin." Birayê mezin dibêje: "Na wele, ez namînim li vir, ezê herim ji xwe re feqetiyê bikim û bibime alim û kesekî zana." Xatir ji birayê xwe dixwaze û diçe li ser riya xwe. Birayê biçûk her roj radibe ji sibehê heta êvare nimêja xwe dike û dia ji Xwedayê xwe re dike, zêdeyî wê tu tiştî nake.

Rojekê serê sibê destmêjê digire, dinêre ku di bin oda

wî de mişkek miriye. Ji xwe re difikirê: "Belki min ev mişk bi xeletî kuştibe, wê qetla wî bikevê sitûye min." Radibe wî mişkê mirî dixwe nava şewqeya xwe û pişt re nimêja xwe didomîne. Heta rojeke yekî gundî di wê derê re diborê silavê lê dike, silava wî digire, yê gundî jê dipirsê dibêje: "Ev çi ye." Zilamê me dibêje: "Hal û meseleya me ev e." Gundî bibêje ku di nav halê bêkêr de nimêjen wî hemû betal in. Zilamê vê yekê qebûl nake. Gundî radibe dibêje: "Nexwe rabe em herîne cem me, melayekî me heye, pir zane ye, em jê bipirsîn." Radi-

bin diçin cem melayê gund ku pîrsa xwe jê bikin. Mela dibêje ku wekî gotina gundî ye. Pişt re melayê gund ji zilamê me re dibêje: "Nave te çi ye, tu ji ku derê yî." Hingê hevûdu nas dikan. Diçin rûyê hev û diçin malê. Mela ji birayê xwe re dibêje: "Ma qey tu jî hatibûya hînî ilm bûya wê çima tu biketa vî halî nebaş."

Erê gelî birano, heger me navê em bikevin halê birayê biçûk pêwîst e em vê pîrsê ji xwe bikin ka em kî ne. Pêwîst e em ji bû wî qasî lêkolînê bikin û xwe hînî zanibûna di hemû waran de bikin.

NAVXWEŞ EYNÊ



N A M E Y Ê N X W E N D E V A N A N

Gaziya Welatê Me

C erd û pêkûtiya ku îro ji aliyên hêzên tarî ve li ser weşanên welatparêz, sosyâlîst û demotrat pêk tîn bipergal e. Armanca wan ew e ku dengê gelê kurd û mirovatîyê bifetîsin. Çi feyde "Çala ku ji bo hevalên xwe re dikolin, ew bi xwe dikevin."

Ji bo têkoşîna gelê kurd bêdeng bikin, rojnâmeyan bombe dikan, berhev dikan, sansur dikan û hwd. Lê xwedîderketîna gelê me û rewşên bîr û hunermendan nîşan da ku tu hêz nikare dengê gelê kurd û aşîxwazan bide birîn. Dî demêke wiha girîng de gaziya Welatê Me pir rûmet e. Ji bo nasname û naskirîna gelê Kurdistanê çavkaniyekê ronahî ye. Ji rojnameyê hin daxwazên min hene: 1- Ku rojnâmeya me mîna dibistaneke dersê ziman bide

emê zûtir hînî zimanê xwe bibin. (Gramer, rastnivîs û hwd.)

2-Der heqê dîrok û erdnîgariya (cografya) Kurdistanê de rûpelek were amadekirin wê gelek baş bibe.

Silavên şoreşgerî li xebatkar û xwendevanên Welatê Me dikim.

Özgür Yurdakul / Mûş

Tiraja Welatê Me

S elam! Ez rojnameya me û rojnameya gelê kurd pîroz dikim, di jiyana we ya weşanê de tim û tim serkeftinê dixwazim.

Belê barê rojnameyê giran e. Dibe ku tîraja wê ne pir be, lê ev jî nayê wê wateyê ku kurd rojnâmeya "Welatê Me" naxwinin. Pir pîrsgirêk hene; wekî pîrsgirêkên li ber kirîna rojnameyê, nehiştina belavkirinê û nezanîna xwendin û nivîsandinê. Ji ber vê yekê tîraja rojna-

me yê dibe ku kêmbê, lê weşaneke birûmet dimeşîne, tim û tim bi vê qalîteyê divê weşana xwe bidomîne. Beşa falê ne pêwîst e, lê beşa xaçepîrsê baş e. Hin xwendevan hem rojnameyê dikirin û hem jî bi saya xaçepîrsê dibin xwediyê pirtûkên bêhempa.

Silavên xwe yên germ ji hemû xebatkar û berpirsiyarên rojnameya Welatê Me re dişînim.

Roj baş.

Dilgerm Nemird / Êlih

Cih bidin helbestan

G elî xebatkarên rojnameya Welatê Me! Berî destpêka nivîsandina nâmeya xwe, silavên xwe yên şoreşgerî ji we re pêşkêş dikim û di pey de derbasî hevî û daxwaza xwe dibim.

Daxwaza min ji we, hûn dikaribin bi xêra

xwe ji me re (ji xwendevanan re) rûpelekî ji bo helbestan bihêlin. Ez bawer im wê xwendevan pir dilşa bibin û wê rojnameya me ji berê pirtir bala xwendevanan bikşîne.

Bila neyê fêmkirin ku ez ji rojnameya bêqûsûr re qûsûran û kêmasiyan dibînim, na Xwedê şahid e, Welatê Me bêqûsûr e. Ez bi saya serê we û bi saya serê xebatkarên rojnameya Welat (ya berê derdiket) ez fêrî kurmaciyeke teze û nivîsandina bi kurdî bûm. Axaftina min a kurmacî berî du sê salan mîna şorbêşîr bû, ji sedî 70 bêjeyên tirkî tê de hebûn, lê îro ne welê ye. We zimanê min bi min da hezkirin. Ez niha helbestan dinivîsim. Kî zane dibe ku di pêşerojê de bi saya serê we emê bi kurdiyê teze helbestan binivîsin, bibin mîna Seydayê Cegerxwîn, Dildar, Hişyar, Qedrican û hwd. bibin mîna nivîskarekî wek heval Jan Dost.

Daxwazeke min a din jî hûn dikaribin pirtûkên li ser kurd û Kurdistanê, li ser dîrok, wêje, folklor û olên kurdan (olên ke-

vin û ên îro) çapbûyî bi me bidin nasîn û buhayên wan li ser wan binivîsin, wê pir baş çêbibe. Emê bi çi awayî peyda bikin, hûn wê jî bi xêra xwe bibêjin, hûnê xêreke mezin bi me bikin.

Kekên min, xwişkên min ên hêja! Em bi vî halî jî Welatê Me pir dicibînin. Evên min gotî ne şîret in, hûn karên xwe çêtir dizanin. Bimînin di xweşiyê de.

Çekdar Yılmaz / Êlih

Bingeha dewleta kurd

G elê Kurdistanê gav bi gav sazîyên dewleta xwe ava dike. Dereng be jî, bi kêmasî be jî tevger dike, sererast dike û hîmên rêxistinên sazûmana neteweyî datîne.

Di deh salên dawiyê de, kurdan tirs şikand, başî û nebaşî ji hev der-

xist, mafê xwe û daxwazên xwe baş fêmkirin. Ev pêşketin û hişyarbûnî li ser hîmê PKK'ê û di dibistana PKK'ê de hatin fêmkirin û ket dilê milyonan.

Ji îro pê ve, ne dijmin û ne jî baweriyên çewt û biyan dikarin van ji dilê milyonan derxin. Êdî her tişt hatiye guhertin. Dijminê kurdan hîn di welatên kurdan de ye. Lê ji mejiyên kurdan derketiye. Lewre kurd ji îro pê ve her tiştî ji bona welatê xwe û mafên xwe dikan. Hetanî doh kesên dibûn muxtar, reîsê belediyyê û endamê parlamentoyê, dibûn bela serê kurdan. Li dijî gelê kurd biryar û ferman derdixistin.

Gelê me xêzek di ser re kişand. Çawa ku me dost û dijminê xwe nas kirin, nûnerên xwe jî nas kirin. Di van rojan de bersîveke dirokî û biryarê dirokî tê cih. Gelê kurd berpirsiyarên xwe, hêza neteweya xwe, Parlamentoya Kurdistanê ya li Surgunê (mişxeti) ava dike, bingeha dewleta xwe diavêje, hîmên dewleta xwe datîne.

Ahmet Baraçkılıç

